

EL APOCALIPSIS O REVELACIÓN A SAN JUAN

La revelación de Jesucristo

¹⁻² Yu, Juan cawamecucu, Jesucristo cu carotii yu ã. Atie quetire mujaare yu uca joo.

Atie Jesucristo yure cu camajiorique ã yu caucarije. Caroaro cariape queti buiorica wame ã. Ati umurecoo capetiparo jugoye cabaipe queti buiorique ã. Atie cu caírore bairo yoaro mee baigaro yua.

Mani Pacu Dio atiere cu camajioñupi cu Macure. Jesucristo yarã, cu carotirã na majiato ñi cu Macure cu camajioñupi Dio. To bairi yu tupu cajoowí Jesu ángelre, Dio tu macacure, Juáre cu majioato ñi. To bairi yure cu caqueti buioriquere, to bairo yure cu caiñoorique quenare mujaare yu queti buiopa.

³ Ocõo bairo yu ñ tunu: Caroa yericutaje na joogumi mani Pacu Dio ati puurore aperure cabue iñoorure. Atie queti buioriquere caapirã quenare caroare na joogumi. Petoacã ruja ati umurecoo capetiparo jugoye. To bairi atie queti buioriquere caapiujarã maca warinuugarãma yua.

Juan escribe a las siete iglesias

⁴ Yu, Juan cawamecucu yu uca joo mujaare Dio yere caapiujarure. Mujaare Asia cawamecutí yepapure siete macari macanare mujaare yu uca joo. Ocõo bairo mujaare yu ñ: Mani Upau Dio nemoona cãñupi. Yucu quenare to bairona anicõa aninucumi. Ape rumupu quenare to

bairona atígumi tunu ati yepapare. Dio caroare cu joonemoato mujaare. Caroa yericttaje quenare mujaare cu joonemoato. To bairona cu caruiro riape macana, siete espíritu majuu, manire cabauquénna mena caroare cu joonemoato mujaare. ⁵ To bairona Jesucristo, cariape manire caqueti buiocõa ácu quena caroare cu joonemoato mujaare. Jesucristo maca cabai yajiricu anibacu quena catunu catiyupi. Catunu catí jugoricu ámi Jesucristo. To bairi yucura caroti majuu ámi. Ati yepa macana uparã quenare carotii ámi. Cuna manire maibujami. Ugueri coje rericarore bairona manire cátibojayupi, caroorije mani cátajere majiriobojau. Manire cu carií peti yajibojarique jugori manire camajiriobojayupi. ⁶ To bairi caberopu cu mena carotiparãre manire cacûñupi. Sacerdote maja mani cunipe quenare manire cacûñupi Jesu, aperãre Diore cajenibojaparãre. To bairo cuna manire cu cacûricarã aniri caroaro manire cu cátibojariquere tugooñari ocõo bairo cure mani í wariñuu: “Mani Pacu Dio, caroaro mure ju áti nucbugo. Caroti majuu mu á. To bairona mu anicõa aninucu to cunacu rumu. To bairona to baiato,” cure mani í wariñuu yua.

⁷ Caroaro tugooñaña mujaa. Atígumi Jesu. Oco bujeri burua watoapu rui atígumi. To bairo cu carui ató yua, ati yepa macana nipetirã cu tujugarãma. Cure capapuaricarã, cure cajarericarã quena cu tuju acuri peticoagarãma. To bairo cure tuju acuri otigarãma. Ati yepa to cunacu poa macana nipetirã cu tuju acuri otigarãma. To bairona to baiato.

⁸ Ocõo bairo ími mani Upau Dio: “Yua, nipe-

tirijere cátacʉ yʉ ã. Nipetirijere camajii yʉ ã. Nipetirã netoro catutuaʉ yʉ ã. Nipetiropʉ cācʉ yʉ ã. Tirumãpʉ cāni júgoricʉ yʉ ã. Yucʉ quenare to bairona yʉ anicõa. Ape rãmãpʉ quenare ati yepapʉre tutuaro mena yʉ atígʉ tunu,” Ími Dio yua.

Una visión del Cristo glorioso

⁹ Yʉ, Juan cawamecʉcʉ mʉja júgocure bairo cācʉ ati pñuro mʉjaare yʉ uca joo. Popiye mʉja catamʉorore bairo yʉ quena popiye yʉ tamʉo. Camaja mʉjaare na cateerore bairona yʉ quenare yʉ teebʉjama. Jesucristo cʉ carotiriquere yʉ caapiñjarije wapa yʉ teebʉjama. To bairo mʉjaare bairo popiye tamʉobacʉ quena yʉ nucacõa. To bairona Jesure yʉ apíñjacõa aninucu. To bairona atona yʉ anibapa Patmos na cañri poa yucʉ poapʉ. Dio cʉ caqueti buio cūriquere yʉ caqueti buionucuriye wapa ati poapʉre yʉ ã. Atopʉ yʉre cacũ rocacõawã Jesu ye quetire caapigateerã. Jesucristo cʉ cāniere yʉ caqueti buionucuriye wapa yʉ cacũ rocacõawã. Aperãre cʉ queti buio teñaqueticðato ñã, yʉre cacũ rocacõawã atore, Patmos na cañri yucʉ poapʉre yua. ¹⁰ To bairo atopʉ ani yua, jíca rãmʉ mani ñpaʉ Jesu yere buerica rãmʉ cānopʉ yʉ cabuewʉ Dio yere. Espíritu Santo cʉ camajiorije júgori yʉ cabuewʉ. To bairo bue yua, apeye unie cabʉjʉro yʉ caapiwʉ. Yʉ jõcʉ bero maca tutuaro cabʉjʉro putiricarore bairo cabʉjʉro yʉ caapiwʉ. ¹¹ Putiricarore bairo bʉjʉbato quena camajocʉ cʉ cawadarore bairona cabʉjʉwʉ. Ocõo bairo yʉ cañ wadawñ:

—Yʉa nipetirijere cátacʉ yʉ ã. Nipetirijere camajii yʉ ã. Nipetirã netoro catutuaʉ yʉ ã.

Nipetiropu cãcu yu ã, cu cañijere yu caapiwu. Ocõo bairo yu cañwi tunu: —Mure yu caiñoopere ucaya. To bairo tiere uca yaparou tiere mu joogu camajare yure caapiñjarãre. To macanare, Asia yepapu siete macari macanare na mu uca joowa. To bairi Efeso, Esmirna, Pérgamo, Tiatira, Sardis, Filadelfia, Laodisea cawamecãti macari macanare na mu uca joowa. Mure yu caiñoope uca átiri na mu queti joowa. “To bairo yu catuñwu,” na mu queti buio uca joogu nare. To bairo yure cu cañijere yu caapiwu yua.

¹² To bairo cu cañro apii yu caamojore tuñwu, ¿ñamu yure cu wadati? ñi, cu tuñguu. To bairo amojore, tuñu yua, j*ia* bujurique capejari tuturire siete tuturi majuure yu catuñwu. Oro na cañije caajiyarije majuu mena na caquenoorica tuturire yu catuñwu. ¹³ Ti tuturi watoapu yu catuñwu camajocu. Camajocu anibacu quena Dio Macuna ãcum*u*, yu cañ tuñgoñawu. Cu maca jutiro cayoari wure cajañawi. Cu rãpori tãpu cãni ejoowu cu jutiro wu. Cu cotia bui caajiyari ajerore cajia tuwi oro ajero majuure. ¹⁴ Cu riya botirica cabauwu. Cu poa quena to bairona cabauwu. Lana na cañije, oveja poa cabotirijere bairo cabauwu. Nieve cawamecãtie, cabotirije majuure bairo cabauwu. Cu cape quena perore bairo caajiyawu. ¹⁵ Cu rãpori quena bronce cawamecãtie ãpoare bairije cabauwu. Cu rãpori maca bronce peropu na caajionñarie, na caoje cojeriquere bairo seeto caajiyawu. Tutuaro majuu cawadawi. Capairi poero cabuñaro cõo cawadawi. ¹⁶ Cu wamo cariape macá nãgoa maca ñocoare siete majuu nare cañewi. To bairi tunu cu rijeropu cabuti nãcawu jarericu p*ã*,

puga n^ugoap^una caori p^{ai}. C^u riya muipu u^mareco macac^ure bairona caajiyaw^u.

17 To bairo cabau^ure c^u tuj^u yua, tuj^u acuabac^u y^u cañacoap^u c^u t^up^una. Cariaric^ure bairona y^u cabaiw^u. To bairo y^u cabairo c^u maca y^u capañaw^u c^u wamo cariape n^ugoa mena. Y^u pañari oc^o bairo y^u cañw^u yua:

—Juan, y^u uwiquetic^oaña. Y^ua nemoona cāni j^ugoric^u y^u ã. To bairona y^u anic^oa aninucug^u to cānacā r^umu. **18** Y^ure na capapua jⁱabato quena y^u catunu catiw^u. To bairi yuc^ura cacatic^oa ãch^u y^u aninucug^u to cānacā r^umu. Y^ure cacūw^u Dio camajare na canetoopa^ure. To bairi y^u yarā caroorā ya pa^upu na cānic^oa aninucubopere canetooboja^u y^u ã, y^u cañw^u camajoc^u anibac^u quena to bairo cabau^u.

19 To bairo ñ yaparo^u oc^o bairo y^u cañw^u tunu:

—Juan, oc^o bairo m^u c^oto y^u boo: M^u catu^juejere ucaya. Yuc^uacā m^u catu^juriye quenare ucaya. Cabero cabaipe quenare ucaya. **20** Apiya Juan. Mere m^u y^u queti buiog^u atiere ñfocoa siete majuu y^u cac^ugorijere. Y^u wamop^u cariape macá n^ugoa maca y^u cañerijere mure y^u queti buiog^u. To bairona jⁱa bujurique capejari tuturi siete tuturi majuu quenare mure y^u queti buiog^u. Oc^o bairo m^ure y^u queti buio majiopa: Tie siete jⁱa bujurique capejari tuturi maca majioro bai siete macari macana y^u ye quetire caneñapo buer^ure. To bairona siete ñfocoa y^u cañerā quena majioro bai y^u ye quetire siete macarip^ure caqueti buio teñar^ure.

2*Mensajes a las siete iglesias: El mensaje a Efeso*

¹ To bairo ū yaparo ū ocōo bairo y ū caīwī tunu: —Efesop ū cāna y ū yere cabuerāre queti buio teñari majoc̄are c ū m ū uca joowa. Ocōo bairo c ū m ū ū queti joowa: “Ocōo bairo ū mi c ūa siete ūocoare c ū wamop ū cariape n ūgoap ū cac̄go ū. C ūa siete j īa bujurique capejari tuturi caajiyari tuturi oro na caīrije mena na c áta tuturi watoap ū c ááteñau majuu m ūjaare ū queti buiog ū ocōo bairo ū mi: ² M ūja c áti aniere nipetirijere y ū maji. Ocabutiri caroare m ūja átinucu. Popiye baibana quena, ‘Ñuugaro. To bairona mani n ūcacōagarā,’ m ūja ū t ūgooñanucu. Cañuuquēna na c átiere m ūja booquēe. ‘Dio c ū caqueti buio joo rotiricarā j īa ū,’ caīrāre ¿cariapena na ūti? m ūja ū t ūgooñā maji. Na caqueti buiorijere apirā, ‘Caītorā ūma,’ m ūja ū maji. To bairi na m ūja apiajaquetinucu.

³ To bairi, ‘Mani quepecoapa,’ m ūja ūquēe. Y ū caboorijere ocabutirique mena m ūja áticōa. To bairo m ūja c áto aperā maca m ūja popiyeyema y ūre m ūja caapi n ūcubugoro. To bairo m ūja maca popiye baibana quena, ‘Ñuugaro. To bairona mani n ūcacōagarā,’ m ūja ūnucu. Y ū carotirijere m ūja áti janaquēe. ⁴ To bairo m ūja cabaibato quena j īca wame m ūjaare r ūja. Tirum̄p̄ure y ūre m ūja camaji j ūgori paup ū seeto y ūre m ūja camaiwu. Yuc̄ra y ūre m ūja camaibatatore bairo y ūre m ūja maiquēe yua. ⁵ To bairi ocōo bairo m ūjaare y ū ū: Y ūre t ūgooñāna tunu y ūre wama maji j ūgorā y ūre m ūja cat ūgooñabatatore bairo. To bairo t ūgooñari t ūgooñarique paiya yuc̄ra m ūja cabairijere. Roro

m̄ja cāniere janaña. Ȳre wama maji j̄ugorā m̄ja cátinucaricarore bairo ája tunu. To bairo m̄ja cátiquēpata j̄ia bujurique capejari tuture, m̄ja ya tuture ȳa rocacōagu. To bairo ȳa cátō m̄jaa Efesop̄ cāna ȳa yere cabuerā rooro majuu m̄ja tam̄ogarā yua. ⁶ To bairo m̄ja cabairije to cānibato quena j̄ica wame m̄ja cátí wamere ȳa t̄uj̄a wariñuu. Nicolaítas cawamecāna caroorije ȳa cateerije cána m̄ja quena na cátiere m̄ja booquēe. ⁷ M̄jaa Efeso macana Espíritu Santo c̄a caírijere apiri caroaro apiñaya m̄jaa. Ȳa yere caneñapo buerāre c̄a caírijere caroaro apiñaya. Ocōo bairo ñmi m̄jaare: ‘Caroorije Sataná c̄a carotirijere cátiquēticōa aninucurāre na ȳa uḡa rotiḡa caroa paup̄a Dio c̄a cānop̄a yuc̄a ricare. Tii yuc̄a rica maca catiriquere cajooric̄a ricare na ȳa uḡa rotiḡa. Caroorije Sataná c̄a carotirijere cabai netoo n̄ucarāre tii yuc̄a ricare na ȳa uḡa rotiḡa,’ ñmi Espíritu Santo.’’ To bairo c̄a ñmi uca jooya Juan, to macacāre. Efeso macana Dio yere caneñapo buerāre queti buio teñari majocāre to bairona c̄a queti buio uca jooya, ȳa cañwī Dio Mac̄a camaja t̄ap̄a Dio c̄a cajooric̄a.

El mensaje a Esmirna

⁸ Í yaparō ocōo bairo cañwī tunu:

—Juan, apeñ quenare c̄a m̄a uca joowa. Esmirnap̄ cāna ȳa yere caneñapo buerāre cabuiori majocāre c̄a m̄a uca joowa c̄a quenare. Ocōo bairo c̄a m̄a ñmi uca joowa: “Ocōo bairo ñmi nemoona cāni j̄ugoric̄a, to cānacā r̄um̄a cānicōa aninucūa. Cabai yajiric̄a anibac̄a quena catunu catiric̄a m̄jaare ñmi queti buioḡa ocōo bairo m̄ja ñmi: ⁹ Ȳa ȳa

maji nipetirije maja cabainucurijere. Aperā majaare na cateerije jugori popiye maja tamāo. Bopacooro maja bai. To bairo baibana quena caroa majuu Dio majaare c̄a cajoorije macare paipo majuu maja c̄ego. Yü maji rooro majuu cañorā majaare na cawada pairijere. Judío maja rooro majuu ūma majaare. To bairi, ‘Judío maja mani ã, Dio yarā majuu mani ã,’ ūbana quena jocarāna ūnucuma. Sataná yarā maca ãma naa. ¹⁰ Apeye tunu, popiye maja cabaipere t̄ugooñarique paitueticōña m̄jaa. Sataná maca maja mena macana jīcaarāre na wadajāgumi, Dio yere janacōña m̄jaa ū. ‘Apiūjaqueteticōña tiere,’ ū wadajāgumi Sataná maca. To bairo majaare ū wadajā yua, presopu maja joogumi. P̄uga wamo cānacā r̄um̄ri majuu presopu tutuaro majuu maja átigumi, Dio yere na apiūja janacōato ūbacu. To bairo c̄a cátibato quena yü yere apiūja janaqueteticōña m̄jaa. Majaare na cajīagabato quena yüre apiūja janaqueteticōña. Yure t̄ugooña tutua anicōña. Yü maca to bairo caroaro maja cāti anicōaro t̄ujuu yü mena to cānacā r̄um̄u yü t̄upu waríñurique mena maja cānicōa aninucupere majaare yü joogu yua. ¹¹ M̄jaa Esmirna macana Espíritu Santo c̄a cañrijere apiri caroaro apiūjaya m̄jaa. Yü yere caneñapo buerāre c̄a cañrijere caroaro apiūjaya. Ocōo bairo ūmi majaare: ‘Caroorije Sataná c̄a carotirijere canetoo n̄ucarā maca caroorā ya pañpu aáqueticarāma. Na cabai yajiro beropu quenare caticoagarāma. Yajiqueticarāma tunu. P̄ugani yajiricarore bairo baiquetigarāma. Cabero popiye tamāoquetigarāma yua,’ maja ūmi Espíritu Santo.” To bairona m̄ ū uca

joowa Juan to macacure. Esmirnapu cāna yu yere caneñapo buerāre cabuiori majocure to bairona cu mu uca joowa yua, yu caīwī Dio Macu camaja tupu Dio cu cajooricu.

El mensaje a Pérgamo

12 Í yaparou ocōo bairo yu caīwī tunu:

—Juan, apeī quenare cu mu uca joowa. Pérgamopu cāna yu yere caneñapo buerāre cabuiori majocure cu mu uca joowa cu quenare. Ocōo bairo cu mu īwā: “Ocōo bairo īmi, jarerica pāi puga nugoapu caori pāi cacugou maca. Mujaare ī queti buiogu ocōo bairo īmi: **13** Muja cāti aniere nipetirijere yu maji. Sataná cu carotiri macapu muja anicōa aninucu mai. Ti maca macana Sataná cu carotirore bairona áama caroorije mājuure. Yu yau Antipas cawamecucure cu caju rocacōawā. Yu caqueti buio cūriquere caroaro caqueti buionucuure cu caju rocacōawā to macana. To bairo na cátibato quena muja maca yu yere muja áti janaquēe. Caroaro muja áticōa aninucu. To bairi caroaro mujaare yu tugooña wariñuu. **14** To bairo caroaro muja cáticōa aninucubato quena jīca wame mujaare ruja. Muja mena macana jīkaarā caroori wamere áama. Balāa cawamecucu tirumupu macacu cu ãnacure bairona áti rotima. Balāa maca apeīre, Balacu cawamecucure ocōo bairo cu caī queti buiowyawī: ‘Israel macanare na mu cāti rooye tuugaata ocōo bairo na áti rotiya. Camaja na cawericarā Dio cāniquēnare na áti nucubugori waibucu rire na cajoe buje mugo joo rugarijere nare uga rotiya Israel macanare. To bairo átiri

caroorije áti eperique quenare na áti rotiya Israel macanare, na rooye tuugu,’ cu caĩ queti buioñawí Balãa maca apeñ Balacre. To bairo Balãa tirmapu cu caĩ rotiricarore bairona maja mena macana jícaarã to bairona na áti rotima na quena yu yere caneñapo buerre. To bairo na caĩ rotiro yu booqueti majuucõa. ¹⁵ Ape wame tunu maja mena macana jícaarã nicolaítas cawamecuna na cabuionucuriye caroorije quenare janagaquéema. Na ye na cabuionucurijere yu teebuja. ¹⁶ To cõona ti wamere na janaato caroorijere. Tiere na cajanaqueticõata yoaro mee na popiyeyegu na tupu yu aágu. Na tupu aá, na mena yu ame quégu. Yu jarerica pái mena yu rijeropu cabuti núcari pái mena yu ame quégu. Caroorije na cabuionucurijere na cajanaqueticõata na mena yu ame quégu yua. ¹⁷ Mújaa Pérgamo macana Espíritu Santo cu cařrijere apiri caroaro apiñjaya. Yu yere caneñapo buerre cu cařrijere caroaro apiñjaya. Ocõo bairo ìmi mújaare: ‘Caroorije Sataná cu carotirijere canetoo núcarãre caroa macare na yu joogu ugariquere, maná cawame cutiere. Umúrecloo macajere cabauquétiere na yu joogu. To bairi na cãno cõona ùta rupaare cabotiri rupaare na yu joogu. Ti rupaapure cawama wame nare yu cawameyerica wamere uca turi nare yu joogu. Na ya wamere majiquéema aperã, tujuquetiri. Na ya wamere cawamecuna jeto majima. To bairona na yu joogu caroorije Sataná cu carotirijere canetoo núcarãre,’ múja ìmi Espíritu Santo.” To bairona mu ì uca joowa, Juan. To macacre Pérgamopu cãna yu yere caneñapo buerre cabuiori majocre to bairona cu mu queti buio uca joowa, yu cañwí Dio

Macu camaja tupu Dio cu cajooricu.

El mensaje a Tiatira

18 Í yaparo cu ocõo bairo yu caíwí tunu:

—Juan, apeñ quenare cu muk uca joowa. Tiatirapu cãna yu yere caneñapo buerãre cabuiori majocure cu muk uca joowa cu quenare. Ocõo bairo cu mu ñwã: “Ocõo bairo ñmi Dio Macu. Cu cape perore bairo caajiyau, cu rupori bronce ãpoare bairije peropu na caajioñarique, na caoje cojeriquere bairo carupori ajiya u ñmi. Mujaare í queti buiogu ocõo bairo ñmi: **19** Muja cátí aniere nipetirijere yu maji. Caame mairã muja ã. Muja ame átinemonucu. Yure muja api nucubugonucu. Popiye tamuobana quena to bairona muja nucacõa. To bairona yure muja apiajacõa aninucu. To bairi tirumupure yure muja cawama maji júgoro caroaro muja cátato netobujaro caroaro muja átinemo nutuapa yucura. **20** To bairo caroaro muja cátibato quena jíca wame mujaare ruja. To macaco Jesabel cawamecucore co muja buu rocaquẽe. Aperopu co muja aá rotiquẽe. Caroorije caqueti buio paio co cãnibato quena co muja aá rotiquẽe. Co maca, ‘Dio ye quetire cabuiori majoco yu ã,’ caño anibaco quena jocona caño ãmo. Muja tu cãnare topu yu yere caneñapo buerãre yu carotibatanare ricati jeto na buiotomo. Áti eperique jeto na áti rotimo. To bairi camaja na majuuna na cawericarã Dio cãníquenare na áti nucubugori waibucu rire na cajoe buje mujo joo rugarijere na ugá rotimo. Ti wame caroori wame quenare na áti rotinucumo. To bairi topu cõre muja cãni rotiro yu booqueti majuucõa. **21** To bairi, ‘Rooro yu átibapa,

caroorije yu cátiere yure mu majiriobojawa,’ co ñato ñi yoaro yu cotebapa. Co maca ñquëemo. Jana-gaquéemo caroorije co cátiere. ²² To bairo co cátie wapa popiye co catamuoro yu átigu. Yoaro seeto co caria yojaro co yu átigu. Co mena cátí epenucurá quenare to bairona na yu popiyeyegu. Caroorije na cátinucurijere na cajanaqueticõamata cõre bairona popiye na catamuoro yu átigu na quenare yua. ²³ To bairona co punaa quenare na yu jia regu. To bairo co punaare na yu cajia rero tujrã yua, to cänacã maca macana yu yere caneñapo buerã maca yu camajirijere majigaráma. ‘To bairi mani yeri, mani catugooñarije nípetirijere maji peocõami Dio,’ ñ tugooña majigaráma. ‘To bairi Jesabel rooro co cátore bairo mani cápata mani popiyeyegumi Dio mani quenare,’ ñ tugooña majigaráma yua. ²⁴ To bairo rooro na cátibato quena muja Tiatira macana jicaarã caroaro muja ã. Jicaarã Jesabel co cañorijere na caapibato quena aperã muja apiñuquée cõre. Co cabuiorijere muja booquée. Sataná cu carotirije unie ã co cabuiorijere. Co yarã maca, ‘Cawama wame ã, caroa queti buiorica wame ã. Tie tirumpure camaja na camajiquetaje ã. Yuchacã mani maji,’ ñma cõre caapiñjarã. To bairo na cañbato quena jicaarã tiere muja booquée muja maca. Na cañorijere muja booquée. To bairo tiere booquetiri caroaro muja átinucu. Yu maca, ‘To bairona caroaro muja cátinucurore bairona áti anicõaña,’ mujaare yu ñ. Ape wame mujaare yu rotiquée. ²⁵ Muja tupu yu catunu atíparo jugoye caroare muja cátí aniere yu catujoorije cāno cõo áticõa aninucuña. ²⁶⁻²⁷ To bairi caroorije Sataná cu carotirijere canetoo nucaráre

na yu cūgu ḫparāre bairo cabairāre. Yu carotirore bairo cáticōa aninucurāre ḫparāre bairo cabairāre na yu cūgu. Aperāre na roti majiriquere, yu Pacu yure cu cajoorore bairo na quenare na yu joogu na caroti majipere. To bairo na yu cajooro na quena roti majigarāma. Ati yepa macana, to cānacā maca macanapurena na roti majigarāma. Tutuaro majuu na roti majigarāma. To bairo roti majirā yua, camaja cañuuquēnare nare recōagarāma. Come ruca mena rīi joture pawaricarore bairo na recōagarāma Dio yarā cāniquēna macare. ²⁸To bairi ñocore na yu joogu caroorije Sataná cu carotirijere cabai netoo nucarāre. Cabujuri ñocore na yu joogu yua. ²⁹Mujaa Tiatira macana Espíritu Santo cu cañirijere apiri caroaro apiujaya mujaa. Yu yere caneñapo buerāre cu cañirijere caroaro apiujaya. To bairo muja ñmi,” mu ñ uca joowa Juan. To macacure Tiatirapu cāna yu yere caneñapo buerāre cabuiori majocure to bairo cu mu ñ uca joowa, yu cañwu Dio Macu camaja tupu Dio cu cajooricu.

3

El mensaje a Sardis

¹ ñ yaparou ocōo bairo cañwu tunu:

—Juan, apeñ quenare cu mu uca joowa. Sardispu cāna yu yere caneñapo buerāre cabuiori majocure cu mu uca joowa cu quenare. Ocōo bairo cu mu ñ wa: “Ocōo bairo ñmi siete espíritu majuure cajoo majii. Siete ñocoare cacugouu majuu maca ñmi. Mujaare ñ queti buiogu ocōo bairo ñmi: Muja cátí aniere nipetirijere yu maji. Aperā maca, ‘Caroaro camaja catirā ãma Sardis

macana Dio yere caneñapo buerā,’ ūma m̄jaare. To bairo na caibato quena, ‘To bairo caroaro camaja catirā me āma,’ m̄jaare yu ū t̄ejū yu maca. Cabai yajicoatanare bairona m̄ja bai yu caboorijere áti ocabutiquetibana. ² Cacanirāre bairo m̄ja bai, caroaro t̄ugooñā majiquetibana. Maja catiya. Petoacā caroare m̄ja t̄ugooñā bairā p̄a. To bairi caroare m̄ja catugooñari wameacā t̄ugooñanemoña, tieacā manire yajire ūrā. Dio cū caboorore bairo majuu m̄ja áti peoquēe. ³ Yū ye queti buioriquere m̄ja caapiwū. Tiere apirā m̄ja caapiūja j̄ugówū. To bairo m̄ja cátatore bairo t̄ugooñāña. Yū ye queti buioriquere apiūjaya caroaro tunu. Caroorije m̄ja cátie macare t̄ugooñarieque paiya. Caroorijere áti janacōaña. To bairo yu caī rotirore bairo m̄ja cátiquēpata m̄jaare yu popiyeyegū. Jee rutiri majocū, ‘Ti r̄umū cāno ejagūmi,’ m̄ja caī majiquētore bairona, ‘Ti r̄umū majuu ejagūmi,’ m̄ja caī majiqueti r̄umūna yu ejagū. M̄jaare popiyeyegū m̄ja t̄epū yu ejagū. ‘Ti r̄umū cāno atígūmi,’ m̄ja caī majiqueti r̄umū yu ejagū. To bairi caroorije m̄ja cátinucurijere áti janacōaña yucūra. ⁴ To bairo Sardis macana capāarā caroorije m̄ja cátibato quena m̄ja mena macana j̄icaarā maca caroaro áama. Na maca camaja caroorije na cátinucurijere t̄ujurā nare bairo átigateema. Ti uniere booquēema caroorije aperā na cátiere. To bairi caroorijere cátiquēna aniri yu mena jutii cabotirijere caroa caugueri manire cajañarāre bairo yu mena anicōagarāma. ⁵ To bairo caroorije Sataná cū carotirijere cabai netoo n̄acarā nipetirā na quena to bairona jutii cabotirijere cajañarāre bairo an-

icōagarāma. To bairi ti pūuropu Dio yarā na wame uca turica pūuropu tujacōa anigaro. Ti pūuropu na wamerire yu cojequetigu yua. To bairi, ‘Caacu, ati maja āma yu yarā,’ cu yu īgu yu Pacu Diore. Yu tū macana, ángel maja quenare to bairona na yu īgu: ‘Ati maja āma yu yarā, yu Wadariquere caapiujara,’ yu īgu nare. ⁶ Mujaaa Sardis macana Espíritu Santo cu caīrijere apiri caroaro apiujaya mujaaa. Yu yere caneñapo buerāre cu caīrijere caroaro apiujaya.” To bairona mu ī uca joowa, Juan. To macacure Sardispu cāna yu yere caneñapo buerāre buiori majocure to bairona cu mu queti buio uca joowa, yu caīwī Dio Macu camaja tūpu Dio cu cajooricu.

El mensaje a Filadelfia

⁷ Í yaparo ocōo bairo yu caīwī tunu:

—Juan, apeī quenare cu mu uca joowa. Filadelfiapu cāna yu yere caneñapo buerāre buiori majocure cu mu uca joowa cu quenare. Ocōo bairo cu mu īwā: “Ocōo bairo īmi cañuu majuu, cariape caqueti buio. Upaus David tirumapu macacu ya macapu cajāa rotii majuu muja īmi. Cu cajāa rotiro aperā, ‘Jāaquēja,’ ī majiquēema. Cu cajāa rotiquēto quena aperā, ‘Jāa roticōaña,’ cu ī neto majiquēema. Mujaare ī queti buiogu ocōo bairo īmi: ⁸ Muja cáti aniere nipetirijere yu maji. Camaja capāarā mee muja ā. To bairi seeto cáti ocabatirā mee muja ā. To bairo baibana quena yu ye quetire muja janaquēe. To bairi caroare muja cátigarije nipetirijere muja áticōa anigarā. Nipetirije yu catujorije muja cátigarije cōo muja áti majigarā. Ocabatirique mujaare yu cajoanje jugori yu caboorijere muja áti majigarā. To bairi

aperā maca, ‘To bairo átiqueticōaña,’ Íbana quena m̄ja mata majiquetigarāma. ⁹ Na maca, ‘Judío maja jā ã, to bairi Dio yarā majuu jā ã,’ íma. To bairo Íbana quena Dio yarā me ãma. Sataná yarā maca ãma naa. To bairi yuc̄acā rooro majuu m̄jaare na cabooquetibato quena cabero yua, m̄jaare caroaro na cátí n̄ac̄ub̄goparore bairo nare yu átigu. ‘Dio c̄ camairā majuu m̄ja ã,’ m̄jaare na caī n̄ac̄ub̄goparore bairo na yu átigu yua. ¹⁰ Ape wame tunu, caroaro m̄ja áa. Popiye baibana quena m̄ja n̄acacōa. To bairona m̄ja apiūjacōa aninucu yu caī rotieparore bairona. ‘Dio c̄ caboori r̄um̄ mani netooḡumi rooro mani catam̄orijere,’ m̄ja ī tugooña. To bairo caroaro m̄ja caī tugooñaro t̄uj̄u yu maca m̄jaare yu átinemogu. Ati yepa macana nipetirā rooro na catam̄opa r̄um̄ri cānop̄ m̄jaare yu átinemogu. M̄jaare yu netoogu. Popiye m̄ja tam̄oquetigarā ti r̄um̄ri cānop̄ yua. ¹¹ M̄ja ya yepap̄ yu catunu ejaparo jugoye petoacā ruja mai. Yoaro mee yu tunu ejagu. To bairi caroa m̄ja catugooñari wame jetorena to bairona tugooña anicōaña. Yu ye quetire tugooña janaqueticōaña, caroare Dio manire c̄ cajoobope manire jooquetiremi ūrā. ¹² Caroorije Sataná c̄ carotirijere cabai netoo n̄acarā caroaro anigarāma. Yu Pac̄u Dio c̄ ya wii macana cāniparāre na yu cūgh. To bairi tona Dio mena anicōa anigarāma naa, caroaro wariuñuri. Dio ya wii botari tutuari botari ã. Tie wii botarire bairo, tutuarā na cāniparore bairo na quenare na yu átigu. To bairi tunu na rupañ buire na yu uca tugu. Itia wame na yu uca tugu. Yu Pac̄u ya wamere, c̄ ya maca wame quenare, yu ya wame

quenare, cawama wame quenare yu uca tugu. Yu Pacu ya maca maca, cawama maca, Jerusalén macare bairo cabairi maca anigaro. Ti maca umurecoopu cāni maca, Dio manire cu cajoopa maca anigaro ti maca. ¹³ Mujaa Filadelfia macana Espíritu Santo cu cañijere apiri caroaro apiujaya mujaa. Yu yere caneñapo buerâre cu cañijere caroaro apiujaya.” To bairona mu ī uca joowa, Juan. To macacure Filadelfiapu cāna yu yere caneñapo buerâre buiori majocure to bairona cu mu queti buio uca joowa, yu cañwī Dio Macu camaja tupu Dio cu cajooricu.

El mensaje a Laodicea

¹⁴ Í yaparou ocōo bairo yu cañwī tunu:

—Juan, apeñ quenare cu mu uca joowa. Laodiseapu cāna yu yere caneñapo buerâre buiori majocure cu mu uca joowa cu quenare. Ocōo bairo cu mu īwā: “Ocōo bairo īmi cāa, camajare cariape caqueti buionucuu. Ítorique cañquēcu majuu aniri ocōo bairo īmi. Ati yepa macaje nipetirijere Dio cu cátí rotiriquere nemoona cátí jeñooricu majuu mujaare queti buiogu ocōo bairo īmi: ¹⁵ Muja cátí aniere nipetirijere yu maji. ‘Diore mani apiujaquēna,’ muja īquēe. To bairo quenare, ‘Caroaro Diore mani apiujacōa anicōato,’ muja īquēe. Muja cabooro cōoacā yure muja apiujanucu bairā pua. To bairi muja cátipa wame majuu jetore cátiparā muja anibapa. Di wame macare átigarā, yu yere átigaquēna o yu yere áti ocabutigarā cabaiparā muja anibapa. ¹⁶ To bairi muja cabooro cōoacā jeto yu yere muja caapiujaro maca mujaare yu recōagu yua. ¹⁷ To bairo tunu, ‘Pairo caniyerucuna

mani ã,’ muja ūnucu. ‘Pairo mani cugo. To bairi ūnie mani rujaqu  e,’ muja ūnucu. To bairona apeye uniere muja cugo pairo ati yepa macajere. To bairo apeye ūnie pairo cugobana quena aper  re caroaro nare muja átinemoqu  e. To bairi nare muja c  tinemoborique muja wapa cugoqu  e. To bairi cabopacar  re bairo majuu mujaare yu t  ju yua. Cacape manare bairo mujaare yu t  ju. Cajuti cugoqu  nare bairo mujaare yu t  ju. ¹⁸ To bairi oc  o bairo mujaare yu i: Ca  uurije ã yu ye queti buiorique. Oro majuu caajiyarije cawapa pacarijere bairije ã yu ye queti. Oro jeto to tuaato ūr  a perop   na caroariquere bairona ã yu ye queti, ca  uurije majuu. To bairi tiere yu ye queti buioriquere booya mujaa seeto. To bairo tiere boo, tiere caroaro áti yua, pairo cacugor   majuu ca  uurije majuure cacugor   muja anigar  . Yu maca pairo caroa majuure muja yu joog  . To bairi camaja seeto booma jutiire, cajutii manare bairo anigaqu  na. Camaja caroorije na c  tiere na yu camajiriobojaro jutii caroaro cabotirijere caja  nar  re bairona âma. Caroa caugueri maniere bairona baima na yerip  . To bairi caroorije muja c  tiere yu camajiriopere seeto booya. To bairo boor   caboboqu  na muja anic  a aninucugar  , caroorije camajirio ecooricar   aniri yua. To bairona caroa t  goo  narique ã mujaare yu cabuiorije. Cape ucore bairije ã. Cape uco aper   na capio j  ro cat  ju majiquetana t  ju majir  ma tunu. To bairi yu cabuiorijere seeto booya mujaa. Tiere boo, to bairo yu cabuiorijere apiuja, caroorije muja c  tiere t  goo  narique pairi caroorije áti jana  a yua. To bairo muja c  to caroaro catiriquere mujaare yu

joogu. ¹⁹ Ape wame mujaare yu ñ tunu. Yu yarãre na yu popiyeyenucu, caroaro yure na apiujaato ñi. Yu camairã nipetirã caroa jetore na cátiparore bairo, to bairona caroaro na yu buionucu. To bairi muja maca yu cabuiorijere apiujari caroorije muja cátiere áti janacõaña. Yu ye queti buiorique macare apiya. Tugooña ocabutiri caroaro tie jetore ája. ²⁰ Apiya yu cañrijere. Aperã muja ya wiiripu ejarã, ‘¡Muja anibapari!’ ñ jeniñanucuma, muja tupu jãa ejagarã. To bairo na cañ pirijere apirã nare muja pãboja. To bairona muja mena yu cãnicõa anipere boorã, mujaare yu capirijere yure yuya. To bairi jopere pãricarore bairona muja mena yure ani rotiya. To bairo yure muja cãni rotiro muja mena yu anicõagu. Mujaare yu bapa cúticõa anigu yua. ²¹ Apeye unie tunu. Muja tu ácu, yepapu ácu caroorijere, Satanáre yu cabai netoo nucawu. To bairo cãre yu cabai netoo nucaro bero yu Pacu Dio maca cu tu yu carui rotiñi, yu mena carotii mu anigu ñi. To bairona na yu ñgu yu yarã quenare, caroorije Satanáre cabai netoo nucarãre. ‘Yu turi ruiya mujaas yu mena, yure bairo cabairã anigarã muja quena,’ na yu ñgu caroorijere cabai netoo nucarãre. ²² Mujaas Laodisea macana Espíritu Santo cu cañrijere apiri caroaro apiujaya mujaas. Yu yere caneñapo buerãre cu cañrijere caroaro apiujaya. To bairona cu mu uca joowa, Juan. To macacure Laodiseapu cãna yu yere caneñapo buerãre buiori majocure to bairona cu mu ñ queti buio uca joowa yua,” yu cañwi Dio Macu camaja tupu Dio cu cajooricu.

4

La adoración en el cielo

¹ To bairo cu caíro bero jõ buipu yu catuju magojowu. Umurecoopu yu catuju magojoro jope pârica jope cânopu yu catujuwu. To bairo tuju yua, cabujurijere yu caapiwu. Tutuaro cabujuro putiricarore bairo yu caapiwu. Caígoye yu caapiri-carore bairona yu caapiwu tunu. Tiere yu caapiro putiricarore bairo cabujurije anibato quena camajocu cu cawadarore bairo cabáuwu. Ocõo bairo yu caíwadawu:

—Atopu jõ buipu wamu ajá. Mure yu iñogu. Atimurecoo, ati yepapu cabaipere mure yu iñogu. Mure yu caiñoopere bairo baigaro, yu caíwu tutuaro cawadau.

² To bairo yure cu caírona Espíritu Santo majiriuque yure cu cajooro jõ buipu yu cääápu. To bairo aá, topu eja yua, cauurau cu caruircarore yu catujuwu. Caroti majii majuu cu caruinucuri pau caroa pau majuure yu catujuwu. To macacu topu carui*u* quenare cu yu catujuwu. ³ Cu maca seeto caaji batewu. Jaspe o cornalina na caírije caroa ûta rupaacâre bairo caaji batewu. Topu cu caruiro bui macare bue betore bairo cabauwu. Tie bue beto esmeralda na caírije ûta rupaacâ, caroaro cajumerije ûta rupaacâre bairo caajiyawu ti beto maca. ⁴ Yu catujuwu tunu apeye ruiri-quere. Caaji bate majuu, Dio cu caruircarore tupure veinticuatro ruirica yejerire yu catujuwu tunu. Caroti majirã na caruirije cãmu. Cabucurã carotirã veinticuatro majuu topure caruiwu. Carupa beto Dio tupure carui amojorewu. Jutii cabotirije jetore cajañawu. To bairi corona na caíri betorire,

cauparā na rupoaripʉ na capejarije uniere oro
uniere capejawā yua. ⁵ Yʉ catujawʉ tunu cabuipo
yaberijere. Dio cʉ caruiropʉ bupo cayaberijere
cabutiwʉ. Seeto cabujawʉ. Bupo quena pairo
cabujawī cʉ caruiri pauphre. Cʉ caruiro riape
jīa bujurique siete majuu cāmu. Caroaro caã
batewʉ. To bairi Dio yarā siete espíritu cānacāʉ
na cāniere buio majoro bai tie siete jīa bujurique.
⁶ Yʉ catujawʉ tunu carupa ra capairi rare bairo
quenare. Muipu cʉ caaji re porore bairo caa-
jiyawʉ ti ra. Dio cʉ caruiro riapepʉ cāmu ti
ra. Eñoo pāire bairo caajiyā nutuapʉ. To bairi
yʉ catujawʉ tunu aperāre ricati cabaurā, mani
catujawī aquetinucurā unare. Na riape quenare ca-
capecāna, na jōcʉ bero quenare cacapecāna nipe-
tiri rupauna cacapecāti peticōawā. Dio cʉ caruiro
tʉpʉna cāma na quena. Jīcaʉ cʉ riape cāmi. Apeī
cʉ jōcʉ bero maca cāmi. Apeī tunu cʉ riape nügoa
maca cāmi. Apeī tunu cacō nügoa maca cāmi.
⁷ To bairi cāni jügoʉ cʉ riya yai jüaʉ riylare bair-
ica cariya jüaʉ cāmi. Cʉ bero macacʉ cʉ riya
wecʉ riylare bairica cariyacʉmi. Cʉ bero macacʉ
tunu caumʉ riylare bairica cariyacʉmi. Cʉ bero
macacʉ tunu aá pacʉ riylare bairica cariyacʉmi.
Cʉ querʉphri cañugueowī cawʉhre bairo. ⁸ Na
querʉphri seis majuu cacugowā to cānacāuna. Na
querʉphripʉre phiga nügoapʉna cacapeari cʉma.
To bairi umareco quenare, ñami quenare Diore cʉ
caī wariñuu bajawā. Janaquēnana ocōo bairo caī
wariñuu bajawā:

¡Caroah! ¡Caroah! ¡Caroah! majuu ãmi mani ñpaʉ Dio!
Nipetirijere cátí majii ãmi. Cāni jügoricʉ
ãmi. Yucʉ quenare to bairona anicōami. Ape

rəməpə quenare ti yepapə tunu ejagəmi tunu, Diore caĩ wariñuu bajawā.

9-10 To bairo Diore ī wariñuu bajarā cə caroti majirijere caĩ wariñuu bajawā. To bairi, “Nipetirā məre na nəcəbəgoato,” caĩ wariñuu bajawā. To bairi, “Caroaro jāre mə áa,” caĩ wariñuu bajawā. Ti paəpə caruiire to cānacā rəmə cānicōa anin-ucuəre cə caĩ wariñuu bajawā. To bairo na caĩro yua, cabəcərā caroti majirā veinticuatro majuu cə təpəre cāna rəpopatuapə ejacumuri Diore cāti nəcəbəgowlā. To bairo átiri na rəpoari buiripə capejari betorire to cānacāna tu we jee átiri Dio təpə cacūcōawā. To bairo átiri seeto Diore na cāti nəcəbəgorijere cāti iñooowā. **11** Ocõo bairo caĩwā Diore ī nəcəbəgori:

Jā Ʉpaə, caroaə majuu mə ã. ¡Camaja nipetirā mure na nəcəbəgoato! ¡Mure na ī wariñuu ba-jaato! “Nipetiropə caroti majii mə ã,” mure na ïato. Ati umarecoo macaje cāno cōo nipe-tirijere mə cājupa mə carotirije jugori. To bairi nipetirā mure na nəcəbəgoato, caĩwā to macana cabəcərā carotirā veinticuatro majuu cāna Diore yua.

5

El libro y el Cordero

1 Yə catujəwə tunu jīca pūurore. Jīca pūuro anibato quena carupa tunua cāni pūuro cāmə. Dio ti paəpə ruiri cə wamo cariape macá nəgoa maca cacəgowlā ti pūuro tunuarica pūurore. To bairi cabuipə, capupeapə quenare ucarique cāmə. Jugoo biarica tunua cāmə beroa cosi unie mena. Siete paəri majuu jugoo biarica paəri cāmə ti

tunuare. ² Yu catujwu tunu Dio tu macacu jícau ángelre. Catutuau majuu cámi. Awajarique mena ocó bairo caí jeniñajonucuí topu cánare:

—¿Namu caroau majuu cu cáno ati púuro tunuarica púurore cáre cu pá rotibocuti Dio? ¿Ati púurore ni ûchre cu tága woo ne pá rotibocuti Dio na cajugoo biariquere? caí jeniñajo ami Dio tu macacu ángel.

³ To bairo cu caíbato quena ni majuu camami caroau aniri ti púurore Dio cu capá rotipau. Noo umurecoopu Dio tu macana, ati yepapu cána quena, cabai yajicoatana quena, di maja majuu camama ti púurore Dio cu capá rotiborá. Namu caroau majuu camami ti púuropu macajere Dio cu cataju rotii. ⁴ Dio cu capá rotiquéna jeto cáma. To bairo capá roti ecooquéna jeto na cáno tuju seeto yu caotiwu. Seeto yu caotiwu jícau ûcu ti púuropu na caucariquere capaña tujurau cu camano tujubacu.

⁵ To bairo yu caotiro tuju cabucárá carotirá mena macacu jícau ocó bairo yu caíwí:

—¡Otiquéja! ¡J*í*lire cu tujuya! Cáre cu pá rotiboumi Dio, yu caíwí. —Cána, León cawamecuc, Judá ya poa macacure pá rotiboumi Dio. Cána David ãnacu párami ãmi. Caroorije, Satanáre canetoricu ãmi. To bairi ati púuro na cajugoo biariquere catága woo ne pápáu ãmi. Cu jetore cu pá rotigumi Dio, caroau majuu cu cáno maca. To bairi ati púuropu uca turiquere mani buiogumi, caíwí cabucu caroti majii.

⁶ To bairo cu caíro yu catujwu tunu waibucure. Oveja na caí waibucu macu, Cordero cawamecucure cu yu catujwu. Cu maca na

cajlaricʉ anibacʉ quena catunu catiricʉ cabauwī. To bairi topʉ catjʉnucucōawī. Siete majuu cajawiaricʉmi. Siete majuu cacapecʉmi. To bairi cʉ jawiari, cʉ cape quena Dio yarā espírituare siete majuure majioro bai. Camajare cabauquēna Dio yarā espíritua siete majuu na cāniere majioro bai cʉ capeari, cʉ jawiari. Dio ati yepa nipetiroph cʉ Espíritua cʉ cajooricarā na cāniere majioro bai tie cʉ jawiari, cʉ capeari. To bairi Dio cʉ caruiro riape cāmi Cordero. Ricati cabaurā bapari cānacāʉ, veinticuatro majuu cabucurā carotirā nipetirā na watoapare cāmi. ⁷ To bairi cʉna Cordero Dio cʉ caruiropʉ cāaámi. Topʉ aá, eja yua, ti pūuro tunuarica pūurore, Dio cʉ wamo cariape macá nügoa maca cāni pūurore canewī. ⁸ To bairo cʉ cátó tʉjurā yua, ricati cabaurā naa bapari cānacāʉ majuu rʉpopatuaripʉ ejacumuri Corderore cátí nʉcʉbugowā yua. Cabucurā carotirā veinticuatro majuu quena nare bairona ejacumuri cʉ cátí nʉcʉbugowā na quena. Seeto cʉ cátí nʉcʉbugowā. Yʉ catjʉwʉ tunu caajiyari jotʉrire oro na cañrije mena na cáta jotʉrire, cabucurā camajirā na cāno cōo na cacugori jotʉrire. Tijotʉri cajiracoapʉ cajati ñuurije cañrije mena. Tie cañrije Dio yarā cūre na cajenirijere bairo cabaiwʉ. Tie caroa cajati ñuurije Diore na cajoe buje mʉgo joorijere bairona cabaiwʉ Diore caapiñjarā cūre na cajenirije. Yʉ catjʉwʉ tunu bajariquere, harpas cawame cʉtiere. Cabucurā carotirā na cāno cōo tie mena cabajawā. ⁹⁻¹⁰ Cawama wamere cabajawā camaja na caapiñaquētiere. Ocōo bairo caĩ bajawā:
 Camaja na cajlaricʉ mʉ ã. Mʉre na cajlarique jʉgori, mʉ carií peti yajirique jʉgori camajare

catiriquere na mu cajoowu. To cānacā poa mena macanare, to cānacā maca macanare jīcaarāre na mu cacatiowu. Dio yarā na cāniparore bairo ñi catiriquere na mu cajoowu. To bairi uparāre bairo na cāniparore bairo na mu cátibojawu. Ti yepapure carotirā anigarāma. Sacerdote maya, Diore aperāre cajenibojarā na cāniparore bairo quenare na mu cátibojawu. To bairo caroaro majuu cátacu aniri muna ati pūuro tunuarica pūurore mu ne maji. Mu jetore pā rotirique ã, caĩ bajawā to macana cabucurā caroti majirā, veinticuatro majuu cāna.

11 Cabero yu catujuwu tunu. Ángel majare capāarā majuu na yu catujuwu. Dio cu caruiro tupu bajarā cāma. Ricati cabaurā quena cāma. Cabucurā caroti majirā quena cāma. Na tupu cabajawā Dio tu macana ángel maya capāarā majuu, capee millones cāna majuu. **12** Seeto bauja ñuuro cabajawā. Ocõo bairo caĩ bajawā:

Cordero cawamecucu maca nipetirā netoro cañuu majuu ãmi. Na cajiaricu nipetirā netoro caroti majii ãmi. Cuna ãmi nipetirije Upau cácu. Nipetirijere áti majimi. Catutuau majuu ãmi. To bairi camaja nipetirā cure na nucbugoato. “Mu jeto caroau mu ã,” cure na ñato. Cure na ñ wariñuu bajaato, caĩ bajawā naa ángel maya yua, capāarā majuu capee millones cāna.

13 To bairo na caĩ bajaro bero yu caapiwu tunu apeye bajariquere. Camaja capāarā na cabajarijere yu caapiwu. Jõ bui macana quena, ati yepa

macana quena, mar capaca yari macana quena, cabai yajiricarã catunu catirã quena nipetirã na caĩ bajarijere yã caapiwã. Ocõo bairo caĩ bajawã: Dio, Caãpaã majuu ruiricaropãre caruii mã ñuu majuucõa. Mã Macã Cordero cawamecãcã quena ñuu majuucõami. To bairi camaja nipetirã mãre na ïwariñuu bajaato. Camaja nipetirã mãre na nãcãbagoato. “Mã jeto mã ñuu majuucõa,” mãre na ïato. Nipetirã netoro caroti majii mã ã. To bairo mã anicõa aninucugã to cãnacã rãmu yua, caĩ bajawã camaja capãarã majuu Diore, Cordero cawamecãcã quenare.

14 To bairo na caĩ bajaro ricati cabaurã bapari cãnacãã majuu ocõo bairo caĩnucuwã: “Mãja caĩ bajarore bairona to ãamaro,” caĩnucuwã. To bairo na caĩro cabucãrã caroti majirã veinticuatro majuu rãpopatuaripã ejacumuri Diore cátí nãcãbagoowã. To cãnacã rãmu cãnicõa aninucuure seeto cátí nãcãbagoowã yua.

6

Los siete sellos

1 Yã catãjãwã tunu Cordero cawamecãcure. Cã maca ti pãuro tunuarica pãuro na cajãgoo turique siete paãri majuure catãga woo ne jãgowã. To bairi na cajãgoo turique cãni jãgori paãre beroa cosi uniere catãga woo newã. To bairo tiere cã catãga woo nero bero yua, apeye unie cabujãrijere yã caapiwã tunu. Ricati cabaurã mena macacã cãni jãgoã cã caĩ wadarijere yã caapiwã. Bepore bairo cabujãwã wadaã. Ocõo bairo yã caĩ wadawã:

—Tãjã atíñañaja, caãwã.

2 To bairo cu caĩro yu catujuwu tunu caballo cabotiire. Caballo bui capejau quenare cu yu catujuwu. Cu maca temu before canewĩ. Uparã na capejari beto uno caajiyari before capejawĩ aperã cãre na cajoorica beto. To bairi cabalo bui capeja aãmi. Cu wapanare caquẽ netou aácoami. To bairo áti aácu nare caquẽ neto aánnuwi.

3 Cabero tunu Cordero cawamecucu catãga woo newĩ tunu. Ti püuro tunuarica püurore na cajugoo turiquere cabero macá paure beroa cosi unie mena na cajugoo turica paure catãga woo newĩ tunu. To bairo cu cáto bero yua, yu caapiwu wadarique tunu. Ricati cabaurã mena macacu apeĩ tunu cu cawadarijere yu caapiwu.

—Tuju atíñaja, yu caĩ wadawĩ.

4 To bairo cu caĩro yu catujuwu tunu caballo apeĩ, cajuare. Caballo bui capejau quenare cu yu catujuwu. To bairo yu catujuro yua, apeĩ to macacu maca cu caqueti buiowĩ caballo bui capejare. Ocõ bairo cu caĩwĩ:

—Ti yepa macana caroaro na caame jugo áti ani warifnuubatiere na áti rooye tuuya. Na patowãcooña, caroaro na cãni majiquetiparore bairo. Na caame quero, na caame jíaro na ája, cu caĩwĩ caballo bui capejare. To bairo cu ñ yaparo cu cajoowĩ jarerica pãi cayoari pãire yua.

5 Cabero tunu Cordero cawamecucu catãga woo newĩ tunu. Ti püuro tunuarica püurore püga pau bero na cajugoo turica paure catãga woo newĩ tunu. To bairo cu catãga woo nero bero yua, yu caapiwu apeĩ cu cawadarijere tunu. Ricati cabaurã mena macacu apeĩ tunu cu caĩrijere yu caapiwu.

—Tuju atíñaañaja, yu cañwi cu quena.

To bairo cu cañro caballo apeñre cu yu catujwu tunu, cañire. Cañii bui capejau quenare cu yu catujwu. Cu maca apeye uniere nacuoñaricaro re canewi cea balansa cawame catirore. ⁶ To bairo care tuju, yu caapiwu tunu, ricati cabaura watoapu apeñ cu cawadarijere:

—Trigo, pan na cátipe jíca kiloaca majuu pairo wapacu. Jícau jíca rumu cu capaa wapataricaro coo wapacu, cañ wadawi. —Cebada na cañrije quena itia kiloaca majuu to cooona wapacu tie quena, apeye pan na cátipe quena. To bairo camaja na caboorije majuu capee to camanibato quena uje ã bairo pua na caaju ugape. Uje weri rica oco caetipe quena ã bairo pua. To bairo cu cañ wadarijere yu caapiwu.

⁷ Tiere api yua, yu catujwu tunu Cordero cawamecucre. Ti puuro tunuarica puuro na cajugoo turique itia pau bero na cajugoo turica paure catuga woo newi tunu. To bairo cu cátó bero yua, yu caapiwu apeñ cu cawadarijere tunu. Ricati cabaura mena macacu canti tuju cu cañrijere yu caapiwu.

—¡Tuju atíñaañaja! yu cañwi.

⁸ To bairo cu cañro yu catujwu apeñ caballore tunu, cajuriire. Cajuriii bui capejau quenare cu yu catujwu. Ocoo bairo cawamecumi: BAI ROCARIQUE cawamecumi. Cu bero cauja aámi apeñ. CABAI YAJIRICARA NA CANOPU cawamecu cu bero cauja aámi. Na maca camaja jícaarare cajia majira cama. Camaja bapari canaca canare jícau jetore na cajia re rugo majira cámá. To bairo jeto

to cānacāhpurena na cajīa recōawā ati yepa nipe-tirop. To bairo átiri camaja na caame jīaro cámá. To bairi camaja jīcaarā jārerica pāiri mena cajīa ecoowā. Aperā ñigo mena cariacoama na quena. Aperā quena riaye jūgori cariacoama na quena. Aperā camaja yaia macanucu macana nare na cajīa ugāro cabai yajicoama na quena. Caballo bui capeja, cu bero cauja aácu na cajīa majirije jūgori to bairona cabai yajicoama yua.

⁹ Cabero yu catujuhw tunu Cordero cawamecacure. Ti pūuro tunuarica pūuro na cajugoo turique bapari cānacā pa bero na cajugoo turica paure catūga woo newī tunu. To bairo cu catūga woo nero yua, camaja cabai yajiricarā na ãnana yeri cacatirāre na yu catujuhw. Cajawo ēoro nare yu catujuhw, camaja waibucurāre joe buje mūgori Diore cu na cajeni nucubhgori cajawo ēoro. Aperā na cajīa rericarā cāma. Ati yepapu na cāno mai camaja maca nare cabooquēma. Dio yere na caqueti buiorije wapa nare cabooquēma. To bairi Dio yere na caapijagarije wapa na cajīa recōawā, “Dio yere apijaqueticōaña,” ibana. To bairi na ãnana yeri cacatirā aniri ti cajawo ēoro cāma. ¹⁰ To bairo topu ãnaa Diore cu cajeniñawā. Naa capāarā cāna jīcaro mena awajabuhjari cañjeniñawā Diore:

—Jā Upa, cañuu majuu mu ã. Cariape caqueti buiohu mu ã. Nipetirijere mu áti maji. To bairi jāre cajīaricarāre na tujuh majiri na popiyeyeya. ¿Noo cōo to rujati nare mu capopiyeyeparo jūgoye? Rooro na cátiere tujuh majiri yoaro mee na popiyeyeya, cāwā to cāna Diore yua.

¹¹ To bairo na caíro bero jutiire na cajoowī Dio.

Jutii cabotirije cayoari wari na cajañapere na ca-joowī. To bairo na joo yua, ocōo bairo na caīwī:

—Rūja mai, na caīwī Dio. —Mujaare bairo cāna āma mai ti yepapu. Yū yere queti buio teñarā áama mai yepa macanare. Nare caapigaquēna maca na jīa regarāma na quenare, yū ye quetire na caqueti buio teñarije wapa. To bairi naa nipetirā na cabai yaji petiro to cōona mujaare cajīlaricarāre na yū popiyeyegu yua. To bairi caroaro yuuya mujaaa mai, na caīwī Dio ti cajawo ēoro cānare.

¹² Cabero tunu Cordero cawamecācū catāga woo newī tunu. Ti pūuro tunuarica pūuro na cajugoo turique jīca wamo cōo cānacā paū bero na cajugoo turica paūre catāga woo newī tunu. To bairo ti paūre cū catāga woo nero yū catujuwū tunu cayepa wārero. Seeto majuu canacuawū ati yepa. To bairi muipu umureco macacū cañiicoami. Canaitīacoapu yua. Jutiiro cañiiri ajerore bairo cañiicoami muipu. To bairi muipu ñami macacū quena cajūacoami. Riíre bairije cabauwī. ¹³ To bairi tunu ñocoa quena cawēcoama yepapu. Higuera cawamecātii yucū ricaacā cawērore bairo cawēcoama. Wino seeto capapuro ti yucū ricaacā cawērore bairo cawēcoama ñocoa maca. ¹⁴ To bairi umurecoo cayajicoapu. Jīca pūuro mani catunua biaro ti pūuro macaje bauquēe. To bairona umurecoo cabauqueticoapu. To bairona ñita yucū quena cāno cōo aperopu cāaápū to cānacāhpuna. Mar ria capairi ya recomacapu cāni poari yucū poari quena to bairona ape paúripu cāaácoapu ti poari quena. ¹⁵ To bairo ati yepa macana nipetirā maca tiere tūjūrā cauwibujawā. Caúparā, na ēorobuja carotirā quena, polisia maya uparā

quena, pairo caapeyecāna quena, catutuarā quena, nipetirā cauwibujawā. Capaabojari maja, na majuuna capaarique rotirā quena nipetirā cauwibujawā. Uwibana caruticoama aperopu ñita yucupu. Ñita yucupu ruti aá, ñita totiripu, ñita rupaa watoaripu caruti ejanumu peticoama. ¹⁶ Seeto uwibana ocōo bairo cañwā:

—Ñita yucu, ñita rupaa mani buipu cānie ña rui atibato manire to roca pea jīaato, cañwā seeto Diore cū uwibana. —Dio, Caupau majuu ruiricaropu carui manire popiyeyegumi. Cordero cawamecach quena to bairona mani átigumi caroorije mani cátie wapa, cañwā cayajioropu carutibatana yua.

¹⁷ ¡Ayu! Ejacoapa cāni tujari rumu, Dio camajare cū capopiyeyeri rumu. Cāre caapiujaquēna popiye tamuogarāma. Jīcau maca nare cū capopiyeye-quetiparore bairo Diore cacamota majii mácumu. Na popiyeyegumi Dio cāre caapiujaquēna caroorā nipetirāre yua.

7

Los señalados de las tribus de Israel

¹ Cabero yu catujuwu tunu ángel majare bapari cānacāu majuu. Nipetiropu wino capapuri-jere caroti majirā cāma. Ati yepa to cānacā nugoapurena catujunucuwā. Jīcau cāmi muipu cariape cū cawam u atínucuri paupu. Apeñ cāmi cawaruu macapure. Apeñ cāmi muipu cū caroca jā aáti jopecuti nugoapure. To bairo bapari cānacā paupi ñanaa winore nipetiropu capapu rotiquēma. Ati yepa buire, mar capairi ya buire, macanucu

bui quenare nipetiroph winore capapu rotiquẽma. To bairo na carotiquẽtore bairona capapuquẽph nipetiroph yua. ²To bairo yu cathjuwu tunu Dio tu macacu ángel apeĩre. Muipu cariape cu cawamu atínucuri paupu cáacáre cu yu cathjuwu. Cu maca mani Pacu Dio ya wame uca turica yejere caneamí. Dio cānicõa aninucuu majuu cu wame uca turica yejere caneamí, sello na caĩri yejere. To bairo ti yejere neatí yua, aperãre na caĩ pijowĩ. Ángel majare, aperã cuatro majuure awajari na caĩ pijowĩ. Nipetiroph wino capapurijere caroti majirã, ati yepa nipetirophre, mar capairi ya quenare carooye tuu majirãre awajari na caĩ pijowĩ. Ocõ bairo caĩwĩ:

³ —Aáquẽja mai. Yuuya mai, na caĩwĩ. —Ti yepare muja rooye tuuquẽpa mai. Mar capairi ya quenare, macanucu quenare muja rooye tuuquẽpa mai, na caĩwĩ. —Dio yarã, cu caboorije cánare uca turica yeje mena cu wamere mani ñiga peorã mai. Na riya pãiroph mani Upau Dio ya wamere mani ñiga peorã mai, na caĩwĩ ángel cu mena macanare, bapari cānacucu cánare.

⁴ To bairo cu caĩro, “Jau,” ñrã to bairona cámá. Dio yarã cu wamere na cañiga peowã to cānacupurena. To bairi Israel maja poari nipetiro doce poari mena macana, ciento cuarenta y cuatro mil majuu camaja cāma Dio ya wamere uca turica yeje mena na cañiga peoricarã. To bairona yu caapiwu. ⁵⁻⁸Doce mil Judá cawamecuti poa macanare na cañiga peowã Dio ya wamere. To bairona tunu doce mil Rubén cawamecuti poa macanare, tunu doce mil Gad cawamecuti poa

macanare, tunu doce mil Aser cawamecāti poa macanare, tunu doce mil Neptalí cawamecāti poa macanare, tunu doce mil Manasés cawamecāti poa macanare, tunu doce mil Simeón cawamecāti poa macanare, tunu doce mil Leví cawamecāti poa macanare, tunu doce mil Isacar cawamecāti poa macanare, tunu doce mil Sabulón cawamecāti poa macanare, tunu doce mil José cawamecāti poa macanare, tunu doce mil Benjamín cawamecāti poa macanare Dio ya wamere uca turica yeje mena na cañiga peowā. To bairi nippetirā ciento cuarenta y cuatro mil majuu camajare na cañiga peowā Dio ya wamere na riya pāiropure yua.

La multitud vestida de blanco

⁹ Cabero yu catujuwu tunu camaja capāarāre. Topuna Dio caroti maji majuu cu caruiro riape catujunucuwā. Ati yepa to cānacā poa macana jīcaarā topuna cāma. To bairona cu Macu Cordero cawamecucu cu catujujoro riapere catujunucuwā. Capāarā majuu cāma. Dope bairo cāti cōoña peo majiñā mamu. Jutii cabotirije cayoari wurire cajañawā na quena. Bo ño queri cajeewā. ¹⁰ To bairi na paarāacā maca ocōo bairo awajari caī wariñuu bajawā Diore:

Mani Upau Dio ruiricaropu caruui cu camajirije jugori mani cayajibopere manire cane-toobojawī. Cordero quena to bairona cu camajirije jugori manire canetoobojawī. Popiye caroorā mena mani catamuobopere mani canetoobojawī, caī wariñuu bajawā to macana jutii cabotirije cayoari wurire cajañarā maca.

11 Ángel maja nipetirā cathjunucuwā Dio caroti maji majuu cu caruiro tupuna. To bairona veinticuatro majuu cabcurā carotirā tupure cathjunucuwā. Ricati cabaurā bapari cānacāc cāna tupu quenare cathjunucuwā ángel maja nipetirā. Cathjunucu amojorewā carupa beto na tupure. To bairi to macana cabotirije cayoari wurire cajañarā Diore na caī wariñuu bajarijere caapiwā ángel maja nipetirā. To bairo apirā Dio cu caruiro tupuna caejacumu mubiawā, Diore áti nucubugorā. **12** To bairo cu áti nucubugori na quena cure caī wariñuu baja jugowā:

To bairona ñuu majuucōami mani Upau Dio. To bairi camaja nipetirā cure na ī wariñuu bajaato. “Mu jeto cañuu majuu mu ā,” cure na īato. Nipetirijere camajii āmi. To bairi camaja nipetirā, “Caroaro jāre mu átibojanucu,” cure na īato. Camaja nipetirā cure na nucubugoato. Dio nipetirā netoro caroti majii āmi. Catutuau majuu āmi. To bairona anicōa aninucugumi mani Upau to cānacā rumu, caī wariñuu bajawā ángel maja nipetirā yua.

13 To bairo na caī wariñuu bajaro ocōo bairo yu caī jeniñawī cabcurā carotirā mena macacu jucau:

—¿Noa na áti i maja, jutii cabotirije cayoari wurire cajañarā? ¿Noopu cāatána na áti? yu caī jeniñawī cabcu caroti majii.

14 To bairo cu caīro:

—Yu yau, yu majiquēe. Mu maca mu majii, cu yu caīwu.

To bairo cu yu caīro, yu caqueti buiowī:

—Na ãma mu cãni yepapu cabai yajiricarã na ãnana cayeri catirã. Ti yepapu ãnaa rooro majuu catamuwã. Camaja popiye majuu na catamuori rumuri cãnopure popiye majuu catamuwã na quena. To bairo baibana quena caroorijere caapiujaquẽma. Dio Macu Corderore cu cátí nucubugo janaquẽma. Cu caĩrijere cariape catugooñacõa aninucuwã. “Mujaare yu carií peti yajibojarique jugori mujaare yu netoogu,” cu caĩrijere cariape caapiujacõa aninucuwã. To bairo tiere cariape apiujarã yua, cajua re ecooricarã aniri ato umurecoopu ejama. Eja, caroorije na cátajere yu cacoje rebojarique iñoorã jutii cabotirijere jañama, yu caĩ queti buiowu cabucu carotii. ¹⁵—To bairi yucura Dio caroti majii majuu cu caruiro riape tujnucuma. Diore áti nucubugorã áama. Umureco quenare, ñami quenare to cãnacã rumu to bairona cu áti nucubugonucuma. Dio ya wiipure sacerdote maja na cátore bairona cu áti nucubugonucuma, Dio cu caboorijere átiri. To bairo na cátore Dio maca caroaro na cotemi. To cãnacã rumu na mena anicõa aninucugumi yua. ¹⁶ To bairo nare cu cátibojaro di rumu uno majuu ñigo riaquetigarãma. To bairo quena ñeme jipiquetigarãma. Ape wame quena, muipu seeto cu caajiro popiye tamuoquetigarãma. Caroaro majuu jeto anicõa anigarãma Dio tupure yua. ¹⁷ Cordero maca Dio caroti majii majuu cu caruiro riape catujuñucuu maca na tuju cotegumi. Oveja na caĩrã nuricarã upau caroaro nare cu catuju coterore bairona caroaro na tuju uja cotegumi. Oveja upau cu yarãre oco cabutiri ope tupu na tuagu nare cu cajuugo aátore bairona caroaro na jugo

aáḡumi Cordero, Dio Macʉ. To bairo na átibojari ñe uniere na caboorije cōona na jooḡumi Cordero cʉ yarāre. To bairi Dio maca, “Yʉ punaa, otiquēja,” caroaro na īḡumi. Caroaro na ī, na cape ocore na coje reḡumi, na ī ocabʉtioʉ. To bairi caroaro wariñuu anicōa anigarāma i majā cabotirijere cajañarā yua, yʉ caī queti buiowī cabʉcʉ carotii.

8

El séptimo sello y el incensario de oro

¹ Cabero tunu Cordero cawamecʉcʉ Dio Macʉ catāga woo newī tunu. Ti pūuro tunuarica pūuro na cajʉgoo turique seis cānacā paʉ bero beroa cosi unie mena na cajʉgoo turica paure catāga woo newī tunu. Cāni tūjari paʉ majuure catāga woo newī. To bairo cʉ catāga woo nero yua, to ʉmurecoopʉ cabʉjʉbataje cajanacoapʉ. Cawadabatana quena cajanacoama. Jīca hora recomaca majuu cawadaquēma. ² To bairi jīca hora recomaca bero to cōona yʉ catʉjʉwʉ tunu. Siete majuu ángel maja Dio riape catʉjʉnucurāre na yʉ catʉjʉwʉ. To bairo nare yʉ catʉjʉro na cāno cānacāpʉrena putiriquere na cajoowī Dio na caputipere. ³ To bairo nare cʉ cajooro bero ángel apeī caejawī tunu. Eja, Diore na cāti nucʉbugori cajawo, caroa cajʉti ñuuriijere na cajoe buje mʉgori cajawo riape ejanʉca, topʉ catʉjʉnucuwī. Caa-jiyari bapa, caroaro jʉti ñuuriijere cʉ cajoepa bapare canewī. Ti bapare ne yua, paipo cajʉti ñuuriijere cacʉgowī aperā cʉ na cajooriquere ti bapapʉ cʉ cajoepere. ⁴ To bairi Diore caapiʉjarā atī yepa macana Diore na cajenitoye cʉ maca tiere cajoenucuwī. To bairo cʉ cajoero caroaro

cajuti ñuuwʉ ti cajawopʉre, caajiyarije oro majuu mena na cáta cajawopʉre. Dio cʉ caruiro riape macá cajawo caajiyari cajawopʉre caroaro cajuti ñuuwʉ. To bairi Diore caapiñjarã Diore na cajenirije Dio tʉpʉ caejaro cʉ cajoe buje mʉgorije quena caejawʉ. To bairi ángel caroaro cʉ cátio Dio maca caapiwĩ cūre caapiñjarã na cajenirijere yua.

5 Cabero cʉna ángel ti bapapʉre cajawĩ tunu pero niti caajiyrijere. Ti cajawo bui pero macaje niti jeeri ti bapapʉre cajee jā jiroocōawĩ. Gee jā jiroo yaparo ti bapare carocacōa joowĩ yepapʉre yua. To bairo cʉ cátio bupo seeto majuu capawĩ. To bairona apeye unie quena seeto cabuñawʉ. Bupo cʉ cayaberije quena cayabewʉ seeto. Ati yepa quena cawãrewʉ seeto majuu yua.

Las trompetas

6 To bairo bai, ángel maja putiriquere cacʉgorã maca cacʉgo petitʉgawã, putigarã yua.

7 To bairo na cabairo jícaʉ na mena macacʉ caputiwĩ: “Puuuu,” caputiwĩ. To cōona yua, cajoorije oco weta rupaacã cawẽwʉ ati yepapʉ. Cañirije quena cawẽwʉ. Rií mena ajuyaro cawẽwʉ cañirije. To bairo wẽ yua, ati yepa pairo cañ yajicoapʉ. Ati yepa la tercera parte majuu, itia paʉ cānibata paʉ jíca paʉ cañ yajicoapʉ. Macanʉchʉ macaje, yucʉ quena to bairona cañ yajicoapʉ. Ta cajumerije quena cañ yajicoapʉ tie quena yua.

8 Cabero tunu ángel apeñ caputiwĩ tunu, cʉ bero macacʉ. “Puuuu,” caputiwĩ. To cōona yua, ñtaʉ capairicʉ majuure bairo cañricʉ cañawʉ. Mar capairi yapʉre caña roca pacoapʉ, ñtaʉre bairo cañricʉ. **9** Capairi yapʉre to caña roca paro yua, ti

ya rií majuu cajeeñacoaph jíca pah. Pairo, la tercera parte majuu cajeeñacoaph rií. Itia pah cānibata pah jíca pah cajūacoaph rií jeeñato oco cānibataje. To bairo cabairije jugori wai capāarā majuu cayaji-coama, la tercera parte majuu. Cumuu capaca cumuu quena capee carua yajicoaph la tercera parte macaje yua.

10 Cabero tunu ángel apeñ caputiwī. Pugarā bero macach majuu caputiwī: “Puuuu,” caputiwī. To cōona ñoco capaïi majuu caña amí. Umarecooph cānach caña amí ati yepaphre. Ña atí yua, cañwī. Upe tutu jía peo bujuricarore bairo pairo cañwī. To bairi capee yariphre caejawh ch cañrije. Capee pahri oco cabutiri operiph quenare caejawh. La tercera parteph majuu caejawh. Itia pah cānibata pah jíca pahph caejawh cañrije. **11** Ch ñoco caña atáh maca wamechmi “Ajenjo.” To bairi ria capairi yaphre ch caña ejaro oco maca ricati baurije cajeeñacoaph. Caroa oco cānibataje capiyarije cajeeñacoaph. Cabero camaja maca tiere etibana cariacoama yua.

12 Cabero tunu ángel apeñ caputiwī. Itiarā bero macach majuu caputiwī: “Puuuu.” To cōo yua, muipu umareco macach carooye tuawī. Caroaro caají batequēmi jíca pah la tercera parte majuu. Muipu ñami macach quena caroaro cabuju batequēmi. Ñocoa quena to bairona capāarā caajiya ejooquēma la tercera partephre. To bairo bairā yua, ati yepaphre caroaro cabuju majiquēma. To bairi umarecophre bapari cānacā hora majuu muipu cabujuquēmi. Ñami quenare bapari cānacā hora ñocoa cabujurā camama.

13 To bairi yu cathjw tunu aáre. Jõ buipu cawu aámi. Wu aá, ocõo bairo caí awajawí:

—¡Ayo! ¡Ayo! ¡Ayo! caí awajawí. —Bopacooro majuu baicõama ti yepa macana. Popiye majuu tamuogarãma. Petoacã ruja mai. Ángel maja cãni tujarã itiarã majuu yucuacãre putigarãma. To bairi popiye majuu tamuogarãma na caputiro ti yepapu cãna yua, caíwí aá.

9

1-2 To bairo cu caíro bero apeñ ángel caputiwí tunu. Bapari cãncacu bero macacu majuu caputiwí tunu: “Puuuu,” caputiwí. To cõona yua, jícau umurecoopu cãncacu ñocore bairo cabauu caña roca cumu ejawí ati yepapu. Ña roca cumu eja, llavere cacugowí pãricarore, Dio cãre cu cajooricarore. To mena ope cañucuari ope majuure capawí. To bairo cu capárona to cõona ti opepu paíro cabujeri butiwu. Pero capairi perore bairo cabujecoapu. To bairo bujeri ti ope macaje muipu umureco macacure cu cabiau bujeri burua. To bairi nipetiropu canaifuacoapu tie bujeri jugori.³ To bairi tie bujeri burua watoapu cabutiwã diroa. Buti, nipetiropu cawu bate peticoa aáma. Camajare catoa majirã cãma naa. Cotapa cu catoarore bairona capuniwã.⁴ “Camaja na ye oteriquere muja uga rooye tuuquêpa,” na caíwí na upau. “Ta quenare, yucu quenare, nipetirije ati yepapu caputirije quenare muja uga rooye tuuquêpa,” na caíwí. “Camaja jetore na cawijioro na ája. Camaja nipetirã Dio ya wame uca turica yeje mena na riya pãiropure cañiga peoya mana jetore na cawijioro na ája,” na caíwí na upau.⁵ “Na jílaquéja

paro. Popiye na catamhoparore bairo jeto na mhja átigarã,” na caíwí. “Jíca wamo cānacãu muipua to bairona na ája,” na caíwí. To bairo na cu caí yaparoro yua, camajare na catoa teñawã. To bairo na catoaro cotapa cu catoarore bairona cawijiowã camaja, seeto. ⁶ Ti yutea cão camaja maca na caria yajicoapere seeto boobagarãma. To bairo boobana quena ria yaji majiquetigarãma yua.

⁷ To bairi naa diroa maca caballoare bairo cabauwã. Caballoa camaja caame quérâre caumârâre bairo cabauwã diroa, come ajeri cajañarã aniri. To bairi na rupoari buire capejawã carupa betori uniere. Uparã na capejari betori, caajiyari betori uniere bairo cabaurijere capejawã na rupoaripure. Camaja riyarire bairo cariyaricuma. ⁸ Câromia poa ñapore bairo capoacuma tunu. Yai juarã opire bairo caopicuma. ⁹ Na cotiare come ajerire bairije jia turicarã cãma. To bairi cawhcoanucuwá. To bairo na cawu aánucuro seeto cabujhwu na cawhrije. Camaja ame quêgarã caballoa bui capãarã na caatu aátore bairo cabujhwu na cawhrije. Caballoa surara na cathgarica betorire na caatu tüga puarore bairona cabujhwu diroa na cawhrije maca. ¹⁰ Na picôrori cotapa picôrore bairo capicôrori cuma. To bairi camajare na catoa majiwã. Na upau cu catutuarije jugori catoa majiwã camajare. Jíca wamo cānacãu muipua majuu to bairona catoa teñarã cānicôawã yua. ¹¹ Na upau cãmi Sataná yere cácu majuu. Cu maca cañucarí ope macacu cãnibatacu cãmi. Hebreo ye mena Abadón cawamecumi. Griego ye mena Apolión cawamecumi. “Cáti re majuucôu” Ígaro Í cu wame.

¹² To bairo diroa camajare na na cáti toa teñaro

bero to cōona petigaro ati yepa macana popiye na catam̄ope cāni j̄ugori wame. To bairo tie capetibato quena p̄uga wame r̄uja camaja popiye na catam̄ope tunu.

13 To bairo bai, ángel apeī caputiwī tunu. Jīca wamo cānacāu bero macacu cu putiricarore caputiwī. “Puuuu,” caputiwī. Cu caputiro apeī cu cawadaro yu caapiwu. Diore áti nucubugorā caroa cajāti ñuurijere camaja na cajoe buje m̄ugori cajawo, caajiyari cajawopu cu cawadarije cabáuwu. Dio cu caruiro riape macá cajawopu majuu cu cawadarije cabáuwu. **14** To bairo ti cajawopu apeī cu caqueti buioro yu caapiwu. Ángel caputiricure cūre cu caqueti buioro yu caapiwu:

—Ocōo bairo m̄u ápa, cu caī wadarijere yu caapiwu ti cajawopu caī wadaure. —Ti ya, capairi ya, Eufrates cawamecūti yapu aác̄ja. Topu aácu yua, m̄u bugagu ángel majare, aperā na cajiaricarā bapari cānacāu majuure. Na popioya, cu caī wadawī ti cajawopu caī wadau ángel caputiricure.

15 To bairo cu caīro yua, ángel maca to bairona cámí. Eufrates cawamecūti yapu aperā na cajiaricarāre bapari cānacāu majuure na capopiowī. To bairo cu cátō caat̄coa aáma. Camajare na jīagarā caat̄coa aáma. Camajare na cajīapa paú majuure nare yuu rotii mai nare cajia cū rotiyupu Dio. To bairi ti paú majuu, ti cūma, ti r̄am̄u, ti paú majuu cayuuricarāre na capopiowī. To bairo na cu capopioro camajare jīagarā caat̄ aáma. To bairi camajare na cajīa recōawā ati yepa macana capāarāre la tercera parte majuu tunu. **16** To bairi surara majaa capāarā majuu nare yu cat̄juwu. “Doscientos millones majuu surara ãma aperā mena

caame quēparā, caballoa bui capeja aána," na cañijere yʉ caqueti apijowʉ yua.

17-18 To bairi caballoa bui capejarā na cotiaripʉre come ajeri cajūarijere jañawā jīcaarā. Aperā cajʉmerijere cajañawā. Aperā cajʉririjere cajañawā. Na caballoa maca yai jūaʉ rupoare bairo caruipoari cʉma. Na rijeroripʉ bujeri cabutiwʉ seeto. Pero mena, asufre cawamecʉtie roorije cajutirije mena ajuyaro cabuje butiwʉ. To bairo cabairā aniri capāarā camajare na cajīa recōawā. Caballoa na rijerori macaje mena na cajīa recōawā. **19** To bairi na rijerori macaje cauwiobʉjawʉ. Na picōrori quena seeto cauwiobʉjawʉ. Aña rupoarire bairo cabauwʉ na picōrori. Tie mena camajare na cátí rooye tuuwā yua.

20 To bairo camajare rooro na cátibato quena camaja carujarā maca catugooñaquēma. "Caroorije mani átibapa. Caroorije jā cátiere majiribojaya," caī jeniquēma Diore. Caroorije na cátiere catugooñarique paiquēma. To bairo caroorije na cátore bairona rooro majuu cáticōa aninucuwā. Wātiarena cajeninucuwā. Na cawericarā quenare na cajeninucuwā. Oro cawamecʉtie, plata cawamecʉtie, bronce cawamecʉtie caajiyarije mena na majuuna na cawericarā maca, ñata mena, yucʉ mena na cawericarā unare cajeninucuwā. Na cawericarā maca catujʉ majiquēma. Caapi majiquēma. Cááteña majiquēma. To bairona cátí majiquēna na cānibato quena na cajeninucuwā, Diore jeniquēnana. **21** To bairona camaja na caame jīarijere cajanagaquēma. Cumu ñajae na cátí anie quenare cajanagaquēma. Roro

na cátie eperije cátie quenare cajanagaquëma. Aperã yere na cajee rutirije quenare cajanagaquëma. To bairo jeto cáticõa aniganucuwã. Na maca, “Caroorije jã átibapa. Caroorije jã cátie jã majiriobojaya,” cañ jeniquëma Diore. Caroorije na cátierie catugooñarique paíquëma camaja carujarã yua.

10

El ángel con el librito

¹ Cabero yu catuñuwu tunu ángel apeñre, catutuañ majuure. Ùmurecoopu carui acáre cu yu catuñujowu. Oco bujeri watoapu carui amí. Cu rupoa buire bue betore bairo cabauwu. To bairona cu riya quena cabuju batewu. Muipu ùmureco macacure bairona cabuju batewu. Cu rupori quena cañ buju batewu. Pairi pero cañ magori perore bairo cañ buju batewu. ² Cu wamopure papera pñuroacã pñrica pñuroacã cacugowí. Jíca pñurona anibato quena carupa tunua pñuro cãmu ti pñuro. To bairi cana, ángel ati yepapure carui ejanucawí. Rui ejanuca yua, cu rupo cariape macá nñgoa maca mar capairi yapu catuñanucuwí. Ape nñgoa macá rupo maca ati yepapu catuñanucuwí. ³ To bairo tuñanucu yua, cu cawadarije tutuaro cawada batejowí. Yai júau cu caawajarije cõo cawada batejowí. To bairo cu cawadaro bupoa siete majuu cu cayuwã. ⁴ Tie na cawadarijere yu cauca tugabapu. To bairo tiere yu cauca tugari pañ majuu yua, “Mu uca tuquëpa tiere,” ùmurecoo macacu cu cañrijere yu caapiwu. “Bupoa siete majuu na cañ wadarijere mu uca tuquëpa. Tiere camajare na queti buiogaquëemi

Dio mai,” ch cañijere yu caapiwu. To bairo ch caíro yu cauca tuquépu na caí wadarijere.

⁵ To bairo uca tuquéch yua, yu cathjhwu tunu ángel majochre mar capairi yapu, ati yepapu cathjhnucuhre. Ch wamo cariape macá nhgoare cañu mhgo thjhnucuhwu mhrecoopu. ⁶⁻⁷To bairo ñu mhgo thjhnucuri ocõo bairo caí wadawh:

—Mu, Dio, to bairona cãnicõa aninucuu mu ã. Ati mhrecoore mu cápu. Ati yepa quenare to bairona mu cápu. Mar capairi ya quenare to bairona mu cápu. Nipetiropu cãniere mu cápu. Caroti majii majuu mu ã. To bairo mu cañicarore bairo baigaro yuchra. Tirhmhpu macana mu ye quetire cabuioricarã na mu cañicarore bairo baigaro yuchra yua. Ati mhrecoo petigaró. Ape mhrecoo mu wa-joagu tunu. Yuchra rhjaquhee. Ángel putiricarore caputi thjah ch caputiro to cõona peticoagaro ati mhrecoo yua, caíwh ángel ch wamore cañu mhgo thjhnucuu maca.

⁸ To bairo ch caíro bero yu caapiwu tunu. Umhrecoo macach yhre ch cañijere yu caapiwu tunu:

—Aáchja ángel thpu. Mar capairi yapu, ti yepapu cathjhnucuu thpu aáchja. Ch thpu aá, ch wamopu ch cacugori phuro phrica phurore neija, jõ buipu yu caíjowh.

⁹ To bairo ch caíro yu chaápu ángel thpu. “Ti phuroachre yu jooya,” ch yu caíwu. To bairo yu caíro:

—Uh, ne átiri ugaya, caíwh. —To bairo ati phurore mu caugaro ipijitigaró. Beroa ocore bairo ipijitigaró. Mhrijero maca ipijitibato quena mu paropu piya eja jañagaro, yu caíwh ángel maca.

10 To bairo cu caíro cu cachgori püuroacäre neri yu caugawu. To bairo uga yua, ángel cu caírore bairona yu cabaiwu. Yu rijeropu beroa ocore bairona caipijitiwu. Yu rijeropu ipijitibato quena yu paropu maca seeto capiya eja jañawu. **11** To bairo ti püurore yu cauga yaparoro yu caí quiетi buiowí:

—Ti yepa macana nipetiräre na mu caqueti buioro yu boo. To cānacā maca macanare, to cānacā poa macana quenare na mu quiетi buiogu. Na uparā quenare to bairona na mu quiетi buiogu. Mu cathjurijere, ati yepa macana nipetiräna cabai tüjapere na mu quiетi buiogu. To bairo mu caqueti buioro yu boo, yu caíwí ángel maca.

11

Los dos testigos

1 Cabero yu cajoowí ángel tuerichre bairo cānii, cōoñaricure. To bairo tiire yu joo:

—Uju, atii cōoñaricu, yu caíwí. —Dio ya wiire cōoñauja. ¿Noo cōo pairi wii to áti? Ti wiipu Diore áti nucubugorä cajati ñuuriijere na cajoe buje magori cajawo quena, ¿noo cōo pairi cajawo to áti? ñi cōoñauja, yu caíwí. —To macana Diore cajeni nucubugorä quena, ¿noo cōo majuu na áti? ñi na mu cōoñawa, yu caíwí. **2** —Dio wii macá yepare mu cōoñaquépa. Tona anigaräma aperä ape yepari macana Diore cátu nucubugouquéna mai. Nana ti macare Dio cu camairi maca áti rooye tuugaräma. Ti maca macana quenare to bairona rooro na átigaräma. Cuarenta y dos cānacā muipua majuu to bairona rooro na átigaräma, yu caíwí. **3** —To bairo na cátu na yu joogu yu yarä pügaräre,

yu yere caqueti buiobojarre. Yu camajiorije jugori caroaro queti buiogarma. Mil doscientos sesenta ramri majuu yu yere to bairona queti buiogarma. Na jutii, catugooñarique pairã na cajañarije uniere bairo jañagarma umarica poari macaje. Wajiaro na cajuariquere jañagarma, catugooñarique pairã na cajañarije uniere. To bairi na yu queti buio rotiguu, yu caíwĩ ángel yua.

⁴ To bairi pugau Olivo yucu ámu Dio riape, ati yepa macana Upau riape. Jia bujurique capejari tutuu quena ámu puga tutuu cu riape. Dio ye quetire cu caqueti buiobojarã iñoo majioro bai ti tutuu. To bairona nare iñoo majioro bai Olivo yucu pugau.

⁵ To bairi catutuarã anigarma Dio ye quetire cabuiobojarã na pugarã. Camaja maca rooro na áti majiquetigarma. Rooro nare na cátigaro tujrã na jia recõagarma. Pero na rijero cabutirije mena na jia recõagarma rooro nare cátigarãre. To bairona na joe recõagarma na wapanare Dio ye quetire cabuiorã. ⁶ To bairi caoco ocaquẽto áti majigarma. To bairi ati yepapu na caqueti buio áno ocaquetigaro na caoca rotiquẽto maca. To bairi ocore wajoa majigarma. Ocore rií majuu jeñoo majigarma. To bairona átiri camaja popiye na catamuoro na áti majigarma. Riaye na joo majigarma. Noo na caboori pau cano to bairo na áti majigarma Dio cu carotirije jugori yua.

⁷ To bairo camajare na caqueti buio yaparoro apeñ buti wamu ejagumi cañcuari opepu cajañaricu. Cauwiou majuu ti opere buti wamu ejagumi yua. To bairo buti wamu eja, Dio ye queti cabuiobojarã pugarã mena ame quẽgumi. Na mena ame quẽ,

to cōona cauwioh maca na jīa recōagūmi. ⁸ To bairo na ch cajīaro bero na rupahri ānaje ma recomacaph cuñagaro. Capairi maca Jerusalēph mani Upah Jesure ch na cajīarica macaph cuñagarāma. Ti maca, “Sodoma ā,” īma camaja. Sodoma macana cāniñaricarā cōona caroorije átinucuma Jerusalén macana īrā īma. Aperā, “Ejipto ā ti maca,” īma, to bairona caroorije átinucuma īrā. To bairi ti macaph ma recomacaph cuñagaro na rupahri ānaje, pugarā Dio ye quetire cabuio teñarā cānibatana.

⁹ Yoabhjaro tophna cuñagaro, itia rhmh ape rhmh recomaca majuu. To bairi camaja to cānacā maca macana na rupahri ānajere thjugarāma. To cānacā poa macana na thjugarāma toph cacuñarāre. Na rupahri ānajere yaa rotiquetigarāma camaja. ¹⁰ Dio ye quetire cabuiobojarā na pugarā na cabai yajiro thjurā seeto wariñuugarāma ati yepa macana. “Seeto manire capatowācooricarā mere riacoa yaji aáma,” īgarāma. To bairo ī, wapa mano ame nungarāma apeye uniere, seeto wariñuurā yua. ¹¹ To bairo Dio ye quetire ch cabuiobojarā na cabai yajiro na cawariñuubato quena itia rhmh bero, ape rhmh recomacana tunu caticoagarāma yua. Dio ch camajirije jhgori tunu caticoagarāma. Tunu catí, thjnucugarāma, catunu catiricarā yua. To bairo camaja maca na catunu catiro thjurā, seeto na uwigarāma. ¹² Cabero hmhrecoo macach na wada ruiojoghmi. Catunu catiricarā pugarāre na wada ruiojoghmi pairo wadarique mena:

—¡Adhja yh thph! ¡Wamh ajá! na īgūmi.

To bairo ch cañro apirā hmhrecooph bujeri bhrhri watoaph wamh aácoagarāma yua. Na wapana na catuh mhgo thjnucuro to bairona wamh

aácoagarãma ʉmʉrecoopʉ. ¹³ To bairo na cásaáto bero ti paʉ majuu ati yepa seeto wãregaro tunu. To bairo cawãrero ti maca macaje wiiri ñacoagaro jíca wiiri. Un décimo majuu ñacoagaro. To bairo cabairo siete mil majuu camaja riacoagarãma ati yepa cawãrerije mena. Carujarã maca seeto uwigarãma. “¡Ayu! ¡Dio jeto ámi caroti majii!” Ígarãma yua.

¹⁴ Maa yua, to cõona ã camaja popiye na catamʉope diroa bero macaje pʉga wame. To bairi camaja popiye na cabainemope ape wame rʉja tunu. ¡Ayu! Tie quena yoaro mee baigaro yua.

La séptima trompeta

¹⁵ Cabero yua, ángel apeñ caputiwĩ tunu. Seis bero macacʉ cãni tʉjau majuu cʉ putiricarore caputiwĩ: “¡Puuuu!” caputiwĩ. To cõona yua, ʉmʉrecoo macana cawadawã. Tutuaro cawadawã:

Ti yepa macana caʉparã na caroti majirije to cõona peticoapa. Yucʉra yua, mani ɻpaʉ Dio jeto roti majimi cʉ Macʉ, camaja tʉpʉ cʉ cajooricʉ mena. Cʉ jeto roti majimi. To bairona roticõa aninucugʉmi to cänacã rʉmʉ, caĩ bajawã.

¹⁶ To bairo na caĩ bajaro apirã, cabucurã carotirã veinticuatro majuu Dio tʉpare rʉpopatuaripʉ ejacumu mubiari Diore cátí nʉcubugowã. Naa cʉ caruiro riape carui atána to bairona Diore cátí nʉcubugowã. ¹⁷ To bairo cʉ ï nʉcubugorã ocõo bairo caĩwã:

Jã ɻpaʉ, nipetirãre caroti majii mʉ ã. Nipetirijere mʉ áti maji. Cãni jʉgoricʉ mʉ ã. Yucʉ quena to bairona mʉ anicõa aninucu. Yucʉra yua,

mu caroti majirije mena camajare carotii
mu cānitugayupa mere. To bairi, “Caroaro
jāre mu átibojá,” mure jā ñrucu.

18 Ti yepa macana to cānacā poa macana mure
cabooquēma. Mure punijiniri mure
cabai netoo nucagabama. To bairo mure
na cabooquetaje wapa to cōona na mu
popiyeyegu. Yucura yua ejacoapa nare
mu catuju bejeri rumu majuu. Cabai
yajiricarāre na mu catuju bejeri pau majuu
ejacoapa. To bairi caroorije cāna maca
popiye tamuogarāma. Mu carotirijere
cáticōa ãna maca wariñuuriqe bugagarāma.
Mu ye quetire caqueti buiorā, mu ye quetire
caapiujarā quena, nipetirā mure cátí
nucubugorā maca wariñuugarāma. Caroare
na mu joogu. Uparā quena, cawatoa cāna
quena nipetirā mure cátí nucubugorāre
na mu joogu caroare. Camaja ti yepapure
carooye tuu pairā macare na mu recōagu,
caī buiowā cabucurā caroti majirā, Diore ï
nucubugori.

19 To bairo na caíro bero yu catujuwu tunu Dio
wiire, umurecoopu cāni wiire. To bairo yu catujuro
ti wii jope capā nucacoapu. To bairo to capā
nucaro ti wii macá pata rocapatare yu catujuwu.
Ti patapu cajañawu Dio ye queti, “Caroorije na
cátierie na yu netoobojagu,” cu caī ucarique. To
bairo yu catujuro yua, bupo cayabe jugó ami. Seeto
cabujuwu. Bupoa quena seeto cabujuwu. Ati yepa
quena cawārewu tunu. To bairi cajori rupaa oco
weta rupaari cawuewu seeto ati yepapure yua.

12*La mujer y el dragón*

¹ Cabero yu catujiu mugojoju tunu umurecoopare. Yu catujiu mugojoro cāromio cabuianca ejawō. Seeto cabuju batewō. Muiju umureco macacupare cajañaoe bairona cabuju batewō. To bairona muiju ñami macacu buire catujanucuore bairo cabauwō. Co rupoa buire capejawō caajiyari beto caupau cu rupoapu cu capejari beto unore. Co capejari betopare ñocoa doce majuu cāma. ² To bairi utaa cāmo. Petoacā carujawu co camacu cutiparo. To bairi co macu cu cabuiaparo jugoye seeto caawajawō, wijiobaco.

³ To bairo co catamori pauna umurecoopu apei cabuia ejawi tunu. Dragón cawamecuchu majuu cabuia ejawi. Cajua capaii majuu cāmi. Siete majuu carupoaricumi. Diez majuu cajawiaricumi. To cānacā rupoaparena caajiyari betori cāmu, cauparā na capejarije unie. ⁴ To bairi cu picōro mena ñocoare cañu wāre ñoo joowī. Capāarāre na cañu wāre ñoo joowī la tercera parte majuure ati yepapare yua. Na ñu wāre ñoo joo yaparo cāromio co cāno riapepu catujanucuwī. Co Macu cabuiapare co ema ugagu cayuu tujanucuwī.

⁵ To bairi co Macu cabuiawī yua. Cu maca to cānacā maca macanare carotipa cāmi. Tutuaro mena na carotipa majuu cāmi. To bairo co Macuacā cu cabuiaro tujuu yua, dragón maca cu cauga rocacōagabami. To bairo cu cauga rocagari pauna Dio maca caroti majuu cu caruiro tupa co Macuacāre cu cane mugo weocoa joowī umurecoopu. ⁶ Cu paco maca caruticoamo camaja

na camanopu. Dio cõre cu caquenoobojarica paupu caruticoamo. Topu co caejaro caroaro cõre cacotewī Dio. Mil doscientos sesenta rumari majuu co cacotewī topure.

⁷ Cabero yu catujuwu tunu umarecoopu aperã na caame quēro. Topu jīca nugoana Miguel cu mena macana āngel maja, cañuurā mena cāmi. Ape nugoa maca dragōn cu mena macana, cu tu macana cañuuquēna mena cāmi. Na nipetirā caame quēwā. ⁸ To bairo ame quē yua, Miguel jāa cañuuquēnare na caquē netowā. Na quē neto, cañuuquēnare umarecoopure na cāni rotiquēma. ⁹ To bairi Dragōre ati yepapure cu capa ne roca ruio joowā. Diablo wātia upau o Satanā cawamecucu āmi. Ati yepa macana nipetirāre cañto paii majuu āmi. Cu mena macana, cañuuquēnare wātia quenare to bairona na capa jee re ruio joowā na quenare Miguel jāa, umarecoopu cānibatanare na quē netori.

¹⁰ To bairo nare na carero bero umarecoopu cawadarijere yu caapiwu. Seeto majuu cawadawā umarecoó macana:

—Mere yua, wātia upaure pa ne roca ruio joowā. Mani yarā Diore canucubugorā ti yepa macanare Diopure cawada paii majuure pa ne roca ruio joowā mere. Diopure, “Rooro āama mu yarā,” to cānacā rumu, umareco quenare, ñami quenare cañ wada painucuure pa ne roca ruiocōa joowā yua. Dio maca Satanāre cu netocōawī. Caroti majii aniri cu netocōawī. To bairi Dio cu carotiri pau mere anituga. Cu Macu quena cu cajooricu nipetirijere rotigumi yua. ¹¹ To bairi mani yarā ti yepa macana Diore canucubugorā Satanāre cu

cabai netoo nucacōawā. Popiye baibana quena Sataná c̄a cawadajārijere cabai netoo nucacōawā. Caroare caapiwjarā aniri to bairona cabaiwā. “Jesucristo, Cordero cawamecū manire c̄a carií peti yajibojarique j̄ugori mani canetoo catiowī,” caī t̄ugooñacōawā. To bairona Dio yere caqueti buiocōawā. Aperā nare na cajīagarije to cānibato quena to bairona Dio yere caqueti buiocōa aninucuwā. ¹² To bairi mania um̄arecoo macana mani wariñuugarā. Nipetirā ángel maja mani wariñuugarā wātia ̄pā c̄ure na carocaro t̄ujuri. To bairona mani maca caroaro mani cāni wariñuuri pāre ti yepa macana maca popiye tam̄ogarāma. Mar capairi ya macana quena to bairona popiye tam̄ogarāma na quena. Wātia ̄pā Sataná um̄arecoop̄ caroca ecooric̄ maca rooro na átiḡmi ti yepa macanare. Seeto punijinimi, perop̄ yure na carocaparo j̄ugoye petoacā r̄uja ñi. To bairona yū caapiw̄ um̄arecoop̄ cawadarijere yua.

¹³ To bairi Sataná yepap̄re caroca ecooric̄ aniri cāromiore co caat̄ ujawī. Mere camac̄ cutacore co j̄ia roca ḡu co caat̄ ujawī. ¹⁴ To bairo c̄a cāto Dio maca cōre cacamotabojawī. Aá capaii c̄a quer̄p̄hire co cajoowī, pinore baii Satanáre c̄ure co w̄u ruti aáparo ñi. Camaja na camanop̄ co caruti aáparore bairo ñi quer̄p̄hire co cajoowī. Top̄ itia c̄uma ape c̄uma recomaca cōre cacetewī Dio. ¹⁵ Co caw̄u ruti aáta paup̄u co cāno pinore bairo cāc̄u maca oco pairo c̄a rijerop̄re cabuti aáto cámí, cōre ruu roca ḡu. To bairi c̄a rijerop̄re oco pairo cabutiw̄u, ria cōo. Cōre ne ruu aá roca ḡu to bairo cámí pinore baii maca. ¹⁶ To bairo c̄a cāto Dio maca co

cátinemowī tunu. Co átinemo, pairi ope yepa cawati nucaro cámara Dio. To bairi ria capairi ya dragón cu rijeropu cabutirique ti opepu cajaa peticoapu oco yua. ¹⁷⁻¹⁸ To bairo cabairo dragón maca seeto co capunijiñiwī, co jīa majiquetibacu. Punijini, aperā co punaa mena ame quēgu cāácoami. Dio cu carotiriquere caapiñjarā mena, Jesucristo ye que-tire caroaro cariape caapiñjacōa aninucurā mena ame quēgu cāácoami yua.

13

Los dos monstruos

¹ Cabero mar capairi ya petapu yucaejawu paputiropu. Topu eja, yucajuyowu tunu carujugoure. Riapu cānacu capamuro yucajuyowu mar macacu monstruo cawamecuchre. Cu maca siete rupoari majuu cacugowī. Diez majuu cajawiaricu cāmi. To cānacā jawiapurena caajiyari beto capejawu, cañparā na capejarije unie. To bairi to cānacā rupoaripuna riya pāiropure uca turique cāmu. Caroorā na cawamecūtie uca turique cāmu. ² To bairi yaire bairo cabauwī monstruo, yucajuyaricu maca. Cu rupori maca buco macanucu macacu capaii ruporire bairije caruporicumi. Cu rijero yai jūa rijerore bairo carijerocumi. To bairi dragón maca cu cajoowī monstruore cu ye macaje cu cāti majirije majuure. Cu carotiri pa quenare, pairo cu caroti majipe quenare cu cajoowī dragón monstruore. To bairo cu cajooro seeto caroti majiwī monstruo. ³ Cu rupoari siete rupoari watoare jīca rupoa cacamirocumi. Na cajiaricure bairo cabauwu jīca rupoa. To bairo cu cabaibato quena cu camiro

pairi camiro cayaticoajupa. To bairi cacatiwī. To bairi camaja nipetirā c̄u catujū achacoama. C̄u tujū achari seeto c̄u cañ buiorijere caapigawā.⁴ To bairi dragón cawamecucare c̄u cáti nucubugowā. “Monstruore dragón roti majiriquere c̄u quenare joomi,” īrā dragōre c̄u cáti nucubugowā camaja. Monstruo quenare c̄u cáti nucubugowā. Camaja maca:

—Ni ūch̄ cāre bairo camajii mách̄mi. Ni ūch̄ cāre caquē netoú mách̄mi. To bairi cāre caapiújarā mani ã, caīwā camaja nipetirā monstruore yua.

5-6 To bairi ati yepa macanare na caroti majiwī monstruo maca. Cuarenta y dos cānacāu muipua majuu rooro c̄u cátajere camataquēmi Dio mai. To bairi caroorije majuure cañ wadawī. “Ati yepa macana, ati umarecoo macana quena nipetirā netoro camajii yu ã,” caīwī. To bairona, “Dio umarecoopā cāch̄ quena, c̄u tu macana quena nipetirā netoro caroti majii yu ã,” caīwī.⁷ Apeye tunu, camajare na caquēwī Diore caapiújarāre. Nare quē, na caquē netowī. Dragón cawamecucá maca to bairo c̄u cáti roti joowī. To bairi camaja to cānacā maca macanare, to cānacā poa macanare na caroti majiwī yua. Roro c̄u cátiere camataquēmi Dio mai.⁸ To bairi nipetirā ati yepa macana c̄u cáti nucubugowā cāre, monstruore. Jīcaarā c̄u cáti nucubugoquēma paro. Aperā na cajílarich̄, “Cordero” cawamecucá yarā cāre cáti nucubugoquēma. Ati umarecoo cāniparo jugoye Cordero c̄u ya pūuropā c̄u yarā cāno cōo na wamerire c̄u cauca turicarā c̄u cáti nucubugoquēma monstruore. Na jeto c̄u cáti nucubugoquēma.

9 Atie yu caucariquere buerã yu caĩ queti buiorijere caroaro apiñjaya. **10** Noa presopu aperãre na cajoorã na quena topuna joo ecoogarãma rooro aperãre na cátí jugorique wapa. To bairona camajare cajlarã na quena jia ecoogarãma to bairo na cajlarije wapa. Dio to bairona popiye na catamuoro na átigumi rooro cánare. To bairi yu yarã, yu caĩ queti buiorijere tugooñaña. Tiere tugooñari, tugooñarique paqueticoñaña. Roro popiye muja catamuorije to cānibato quena nucaña. Tugooñaquuja. Jesucristore cu apiñjacua aninucuña. Mujaare rooro cánare na popiyeyegumi Dio.

11 Cabero yu catujuwu tunu monstruo apeñre. Cu maca ati yepa pupeapu cānacu cabuti ejawu. To bairi cu quena cajawiaricumi. Puga jawiari, oveja macu jawiarire bairije cajawiaricumi. To bairi dragõre bairo cawadawu. **12** To bairi monstruo mar capairi yapu cānacu capamu ejaricu cama-jare cu caroti majirijere bairo carotiwi yepa pu-peapu cabutiricu quena. Riapu cabutiricu mena acu to bairo cu carotiwi cu quena. To bairi camaja nipetirã ati yepa macanare na canucubugo rotiwi monstruo, cāni jugoure. Monstruo riapu capamu ejaricure, cariacoaboricu cacati majuure na cátí nucubugo rotiwi yepa pupeapu cānacu cabuti ejaricu maca. **13** Apeye uniere capee cátí iñoou, camaja na tuju acháto ñi. To bairi, “Pero umurecoo macaje to wueto ati yepapure,” cañwu. To bairo cu cañro, cu cañricarore bairona cabaiwu. Pero cawuewu yua. **14** To bairije áti iñoori nipe-tirã ati yepa macanare na cañtowu. Monstruo cāni jugoricu ria macacu cu camajorije jugori to

bairo na cáti iñooowī. To bairo na áti iñoo, ñitori yua, “Monstruo capairi ya macacure cʉ apiñjaya,” na cañwī camajare. “Jarerica pāi mena capa ta ecooricure catunu catiire cʉ apiñjaya,” na cañwī. “Cāre bairo cabauñre weya. Cʉ weri cʉ quenare cʉ nucubugoya,” na cañ buiowī. To bairo cʉ caño cāre baiina cʉ cawewā. ¹⁵ To bairo cāre na caue yaparoro monstruo yepa pupeapʉ cabutiricʉ maca na cawericure catiriquere, wada mājiriquere cʉ cajoowī. To bairo rooro cʉ cátibato quena cʉ camataquēmi Dio mai. To bairi na cawericurena cʉ na cajeni nucubugo rotiwī monstruo. Wericure cajeni nucubugoquenare cʉ yarā polisiare na cajīa re roticōawī yua. ¹⁶ To bairi monstruo riapʉ capamʉ ejaricʉ ya wamere cauca tu rotiwī cʉ bero macacʉ maca camajare. Camaja nipetirā na wamo cariape macá nügoare o na riya pāiropure cʉ wamere cauca tu rotiwī. Cawimarā quenare, cabucurā quenare, caniyeru pairā quenare, cabopacoorā quenare, paa co-teri maja quenare, na ʉparā quenare, nipetirāre to bairo jeto na cauca tu rotiwī. ¹⁷ To bairo ria macacʉ ya wamere na wamorire o na riya pāirorire na cauca tu rotiquēpata na caboorije uniere na cawapaye rotiquēmi. Monstruo capairi ya macacʉ cʉ wame o cʉ número camanicōaata na caboorije uniere cawapaye majiquēma. To bairona niyerure na cawapatabope quenare cajo rotiquēmi. ¹⁸ Caroaro t̄ugooñaña. Monstruo capairi ya macacʉ cʉ ya númerore m̄ijaare yʉ queti buiopa: Seiscientos sesenta y seis ã cʉ ya número. Ti número cʉ ya wame ñigaro ñ. To bairi noa caroaro catugooña majirā ti númerore t̄ugooñari caroaro cʉ

ya wamere na t^ugooña majiato.

14

El canto de los 144,000

¹ Cabero y^u cat^uj^ujow^u tunu Cordero cawamec^ucure. C^u maca Sión cawamec^uti buuro buip^ure cat^uj^unucuw^u. C^u mena macanare, camaja capāarāre y^u cat^uj^uw^u na quenare. Ciento cuarenta y cuatro mil majuu cāma camaja. To bairi na riya pāirop^ure uca turique cabauw^u. Cordero ya wame, c^u Pac^u ya wame quena cabauw^u na riya pāirori buire. ² To bairo na cat^uj^unucuro y^u caapiw^u tunu wadariquere. Pairo cawadarijere um^urecoo macajere y^u caapiw^u. Pairi poerore bairo cabauw^u um^urecoop^u. Pairo b^upo c^u caparo cōo majuu cabuj^uw^u. To bairi camaja na cabajarijere bairo cabuj^uw^u. Harpa na caīrijere capāarā na cab^uga p^utē bajarore bairona cabuj^uw^u. ³ To bairi ti buurop^u cat^uj^unucurā paarāacā cabajawā bajarique cawama wamere. Dio caroti majuu c^u caruiro riape cabaja t^uj^unucuwā. Ricati cabaurā bapari cānacāu majuu riape tunu, aperā cab^ucurā carotirā veinticuatro majuu riape cabaja t^uj^unucuwā caroaro. Aperā maca na cabajari wamere caroaro caapi peo majiquēma. Ciento cuarenta y cuatro mil cānacāu majuu ti buuro buip^u cat^uj^unucurā jeto na majuuna na cabajari wamere caapi peo majiwā. Ati yepap^u cānana Dio c^u cajee aātana jeto ti wamere caapi peo majiwā, c^u canetooricarā jeto. ⁴ Na roque ati yepa macana rooro na cāti uniere cátiquējuparā. Áti eperique uniere caroorijere cabooquējuparā naa.

Cañuurā majuu cāñuparā. Cordero cawamecucá cū cátore bairo caroare cájuparā. Caroaro cū caapiñjayuparā. To bairi Dio cū canetoo jugóricarā cāñuparā. Dio yarā, to bairona Cordero yarā cāñuparā naa, cū canetoo jugóricarā majuu. ⁵ To bairi caroorijere, ñoriquere cawadaquējuparā. Cariape macaje jetore cawadanucuñuparā. To bairi Dio maca, “Caroorije wapa cacugoquēnare bairo mħajaare yu tujh,” na caññuph Dio. Cañuurā majuu cāñuparā ati yepapu ãnaa, na ciento cuarenta y cuatro mil majuu cāna ti buuro buipu catuñunucurā maca.

Los mensajes de los tres ángeles

⁶ Cabero yu catuñujowu tunu ángel umurecoo recomacapħre cawu teñħare. Camaja to cānacā maca macanare queti buio teñħau cawu teñħawī. To cānacā poa macanapħrena nare queti buio teñħau cawu teñħawī. Caroa quetire cawajoaya maniere, cape-tiquētie majuure nare queti buio cawu teñħawī. ⁷ To bairo wu teñħau yua, pairo bħajro cawada teñħawī:

—Dio camajare cū catuñu bejeri rħmu ejacoapa mere. To bairi Diore cū nacubugoya mħajja. Diore, “Mu jeto cañu u mu ā,” cū īňa. Dio nipetirijere cátacu āmi. Umurecoo quenare, mħaja ya yepa quenare cátacu āmi Dio. To bairi mar capairi ya quenare, oco cabutiri operi quenare cátacu āmi. To bairi rħopopatuaripu ejacumuri cūre mħaja cátu nacubugorijere cū iñooña, cañ wadawī ángel umurecoo recomacapu cawu teñħau.

⁸ Cūa, ángel cū bero cawu ujawī apei tunu. Cū maca:

—Mere yua, na recōami Dio Babilonia na caĩri maca macanare. Ti maca pairi maca macanare na recōami yua. Na maca rooro nare júgo átinucuma ti yepa macanare. “Järe bairo ája m̄ja quena m̄ja rupāri macaje caroorije majuure,” ī rotiricarore bairo cámá ti maca macana Babilonia macana. To bairi na recōami Dio, caĩ wadawī ángel apeī.

⁹ C̄u bero caw̄u Ȑjawī ángel apeī tunu, p̄ugarā bero macac̄u yua. Tutuaro cawadawī c̄u quena:

—Noa camaja monstruore caapījarāre na popiyeyeḡumi Dio. C̄are bairo cabaūu na caweric̄u quenare na caĩ n̄uchubuḡoata to bairona na popiyeyeḡumi Dio. Na riya p̄airop̄ure o na wamorip̄ure monstruo ya wamere c̄u na cauca tu rotiata to bairona na popiyeyeḡumi Dio seeto majuu. ¹⁰ Capunijiniire bairona seeto na popiyeyeḡumi Dio monstruore caapījarāre. Caãrije asufre cawamec̄utie mena na popiyeyeḡumi. Dio t̄u macana ángel maja, Cordero cawamec̄uc̄u quena na catūujoro na popiyeyeḡumi. ¹¹ Ti pero Ȑ yatiquetigaro. To bairona Ȑcōa anigaro to cānacā r̄um̄u. Monstruore c̄u cátí n̄uchubuḡorā, c̄are bairo cabaūu weric̄u quenare cátí n̄uchubuḡorā, c̄u númerore cauca tu rotirā yerijā majiquetigarāma. Ȑm̄hreco quenare, ñami quenare popiye majuu tam̄ogarāma to cānacā r̄um̄u yua, caĩ wadawī ángel apeī.

¹² To bairi m̄jaa, Dio yarā, popiye na catam̄opere majirā caroa áti ãnajere janaqueticōaña m̄jaa. Monstruore c̄u carotirijere apījaqueticōaña. Dio c̄u carotirije macare apījacōaña. Jesucristo jetore caroaro caapījacōa aniparā m̄ja ã.

13 Cabero yu caapiwu tunu umarecoopu cawadarijere:

—¡Uca tuya tunu yu cañijere! “Diore caapiujaricarã cabai yajiricarã catunu catirã ani wariñuunucuma yucura. Cu caqueti buioriquere na cajanaqueticôata ani wariñuugarãma,” yu caíwu Espíritu Santo maca. To bairi: — Cariape mu yu ñ. Cabero Diore caapiujaricarã caroa ãnajere bugagarãma. Camaja na caqueti buionemobatajere buio yaparo ani yerijãgarãma. Dio tupure na caejaro Dio caroaro na cátajere tugooña bugagumi ti yepapu ãnaa na cátajere yua. To bairo tugooña bugau caroaro na átinemogumi. To bairi wariñuuriqe mena ãma naa, na cãnipere tugooñari, caíwu Espíritu Santo.

La cosecha de la tierra

14 Cabero yu catujujowu tunu oco bujeri burua cabotiri buruare. Ti burua bui jucau caruiire cu yu catujujowu. Camajocu anibacu quena Dio Macure bairona cabauwu. Cu rupoa buire caajiyari beto, uparã na capejari beto unore capejawu. **15** Cabero ángel apeure cu yu catujujowu tunu. Dio ya wiipu cabuti amí. Buti eja, oco burua bui caruiire cu caqueti buiowu. Tutuaro wadari ocõo bairo cu caqueti buiowu:

—Uje mere ñiicoapa. Uje jeerica pau mere ejacoapa yua. To bairi uje jeija mu yijerica puai beto mena nipetirijere, cu caíwu ángel bujeri burua bui caruiire.

16 To bairo cu caíro cu oco bujeri burua bui caruii maca cu yijerica puai betore ati yepapure caroca

ruiocõa joowī. To bairo átiri uje ati yepa macaje caricare cajee peocõawī yua.

17 Cabero ángel apeī cabuti amí tunu Dio ya wiipħre. Cħ quena yijerica pāi betore caori pāi cacugowī. **18** Cabero ángel apeī cabuti amí tunu. Diore áti nucubugor i cajati ħuurijere na cajoe buje mägo joori cajawo tħa cānacu cabuti amí ángel. Cħ maca perore carotii cāmi. To bairi caqueti buio baujowī ángel apeīre, yijerica pāi beto caori pāi betore cacugħoħre. Baujaro wadari cħ caqueti buio baujowī:

—Mere uje ti yepa macaje ñii peticoapa. Cajepe ā. To bairi to cānacā tōriphna jeija. Mħi yijerica pāi betore roca ruio jooya ti yepapħre, cħi caī queti buio baujowī ángel cħi yaure, caori pāi beto cacugħoħre.

19 To bairo cħi cařro caori pāi betore cacugħoħ maca cħi cařrore bairona cāmī. Cħi yijerica pāi betore ati yepapħre caroca ruiocõa joowī. To bairo áčħi ati yepa macaje ħjere cajee peocõawī. Tiġie jee peocõari yua, cħi cacħta waaparopu cajee jā cūcõawī cħi cajejeriquere, uje ocore jeegħi yua. Capairopħre tie ħjere cħi cacħta waaparopħre cajee jā cūcõawī cħi cajejeriquere. ¡Ayo! Dio camajare cħi capopiyeyepere majioro bai ángel cħi cacħta waarije. To bairi ángel cħi ħjere cacħta waaro bairona popiye tamħogħarāma camaja seeto. **20** To bairi ángel ħjere jee, tiġie cħi cacħta waaparopħre jee jā cūcõa yua, tiġie cacħta waawī. Maca tħjaropu cacħta waawī. To bairo cħi cāto caoco butiwhu. Cħi cacħta waaro ēoropu cabutiwhu. ħjere cħi cacħta waabato quena uje oco mee, camaja ye rií majuu cabutiwhu pairo, ria mare bairo. Yoaro majuu cayu

aápu tie pairo. Tresciento kilómetro majuu cayu aápu. To bairi ñcuaro majuu cámu rií. Caballo cu rijeropure caejawu yua.

15

Los ángeles con las siete últimas plagas

¹ Cabero yu catujujowu tunu umu^urecoopure cabai iñoorije ape wamere. Ángel maja aperu tunu siete majuu cabuia nucawā. Na maca to cánacáupuña cacugo peticōawā jíca joturi. To bairi tie joturipu cajañawu rooro popiye tamuorique. Ati yepa macanare Dio cu capopiyeye tujape cámu.

² To bairi yu catujuwu tunu utabuchra pairi ra quenare. Tí ra maca cabotiri ra vidriore bairo cabaurije cabauwu. Pero cau ajuyarore bairo cabauwu. To bairi catujunucuwā camaja ti ra tujaro boeacā. Na maca cámu Dio yarā, monstruo caroorije cu carotiriquere caapiujaquetana. Cure bairo cabauu na cawericure cure cajeni nucubugoquetana cámu, cu wamere na riya puriopure buire cauca tu rotiquetana. To bairi caroorijere cáti ujagaquénuna cámu. To bairi ti ra tujaro boeacápure catujunucuwā. Tujunucu, Dio ye bajariquere harpas cawamecutiere cugori catujunucuwā. ³ To bairi tie harpas mena cabajawā. Moisé, Dio cu carotirijere cácu ñuncuyere cabajawā. Cordero cawamecu ye quenare cabajawā. Oco bairo caubajawā:

Dio, nipetirijere carotii mu ã. Mu cátie caroa jeto ã.
Caroaro, cariape jeto ã mu cátie nipetirije.
Camaja nipetirãre carotii mu ã, caubajawā.

⁴ Jícaʉ maca mʉre cawada canamu majirã manama. Mani ɻpaʉ, nipetiro macana mʉre ñ nʉcʉbʉgogorãma. Nipetiri maca macana, “Jícaʉna mʉ ã Caʉraʉ majuu,” mʉre ñ nʉcʉbʉgogorãma. Mʉ jeto cañuʉ mʉ ã. Nipetirã caroaro, cariape mʉ cátiere catʉjʉyupa. To bairi nipetiri maca macana mʉ tʉpure tʉjʉ ejagarãma. Mʉ tʉpure tʉjʉ eja, rʉpopatuaپ ejacumuri, “Jícaʉna mʉ ã Caʉpaʉ majuu,” mʉre ñ nʉcʉbʉgogorãma, cañ bajawã ti ra tʉjaro boeacã catʉjʉnucurã Dio yarã.

⁵ To bairo na cabaja yaparoro yʉ catʉjʉwʉ tunu. Dio wii jope capã nʉcacoapã. To bairi ti jope tʉ tʉjʉjo, ti arʉapʉre yʉ catʉjʉjowʉ. Ùta pãi Dio cʉ carotiriquere cʉ cauca turica pãire na cacũrica arua cãmʉ, santuario na caĩro. ⁶ To bairo topã yʉ catʉjʉjoro tunu ángel maja siete majuu cabuti amá ti wiipʉre yua. Roro popiye tamʉorique cajañari jotʉrire cajeeparã cãma siete wameri majuure Dio camajare cʉ capopiyeyepere. Jutii cabotirijere cajañawã. Caugueri maniere cajañawã caajiyi bujʉjarijere. Na cotiapʉre caajiyari ajerire cajia tuwã. ⁷ To bairi ti wiipʉre na cabuti ató yua, ricati cabaurã cuatro majuu na mena macacã jícaʉ na cajoowã jíca jotʉrire to cānacãʉpʉrena. Caajiyari jotʉrire oro mena na caĩrije na cátia jotʉrire na cajoowã popiye tamʉorique cajirari rʉrire. Dio, to cānacã rʉmʉ cānicõa aninucuʉ maca camaja cañuuquẽnare capunirijere cʉ cajoorijere na cajoowã. ¡Ayu! Roro majuu tamʉogorãma caroorã maca tie jʉgori. ⁸ To bairo ángel maja tie riayere cajee aána na cásaato Dio wii pero bujeri mena cabuje

jiracoapu. Dio caroau, caroti maji majuu topu cu c\u00e1nie j\u00fagori to bairo cabuje jiracoapu. To bairo tie cabairo to macana nipetir\u00e1 ti wiip\u00e1re caj\u00e1a majiqu\u00e9ma. Riaye siete wameri majuu capetiparo j\u00fagoye noa caj\u00e1a majiqu\u00e9ma ti wiip\u00e1re yua.

16

Las copas de castigo

¹ Cabero tunu baujaro majuu cawadajorijere yu caapiwu. Dio wii cawada butirijere yu caapiwu. Oc\u00f3o bairo ca\u00ed wadarajawu to macana \u00e1ngel majare, siete majuure:

—¡Ma yua! ¡A\u00e1naja m\u00fajaa ti yepap\u00e1re! Roro popiye tam\u00e1orique siete wame majuure m\u00fajaa jot\u00e1ri caja\u00e1narijere topu jite rer\u00e1ja. Ti yepa macana caroor\u00e1 buip\u00e1re jite rer\u00e1ja Dio nare c\u00u1 capopiyeyepere, na ca\u00e1w\u00f3 ti wiip\u00e1 cawadau \u00e1ngel majare baujaro wadari.

² To bairo c\u00u1 ca\u00e1ro apii yua, j\u00f3icau na mena macacu carui am\u00f1 ati yepap\u00e1re. Rui at\u00f1, c\u00u1 jot\u00e1 macaje capunirijere cajite rec\u00f3a joow\u00f3 yepap\u00e1re. To bairo c\u00u1 c\u00e1to camaja ati yepa macana maca rooro catam\u00e1ow\u00f3. Na cacamii boarijere capeniw\u00f3 rooro majuu to bairo c\u00u1 c\u00e1tie j\u00fagori. Monstruo c\u00u1 ya wamere na riya p\u00e1irorip\u00e1re cauca tu rotiri-car\u00e1 capeniw\u00f3. C\u00f3re bairo cabauu na cawericure ca\u00ed n\u00fc**u**goricar\u00e1 to bairona cabaiw\u00f3 na quena rooro majuu.

³ To bairo \u00e1ngel c\u00e1a\u00e1 j\u00fagouu c\u00u1 c\u00e1a\u00e1to bero ape\u00e7 carui am\u00f1 tunu ati yepap\u00e1re. Rui at\u00f1, c\u00u1 jot\u00e1 macaje popiye tam\u00e1oriquere cajite rec\u00f3a joow\u00f3 c\u00u1 quena. Mar capairi yap\u00e1re cajite re \u00f1uaw\u00f3. To bairo c\u00u1 c\u00e1to

mar oco maca rií majuu camajoch na cajíarichh ye riíre bairo cajeeñacoaph yua. To bairo cabairo ti ya ria macana nipetirã cariacoama, wai jääna yua.

⁴ To bairo ángel cabero macach ch cääáto bero apeñ tunu carui amí ati yepapure, phgarã bero macach majuu. Rui atí, ch joth macajere popiye tamhoriquere cajite recõa joowï. Riariph quenare, caoco butiri operi quenare cajite recõa joowï. To bairo ch cátó to cänacä riaphna, to cänacä operiphna caoco butiri operi rií majuu cajeeñacoaph yua. ⁵⁻⁶ To bairi ocore rií cajeeñaro thjh ch ángel tiere cajeñoorich maca ocõo bairo cañwï:

—Mha Dio, caroah to cänacä rhmh cacaticõa aninucuh mh ã. Mh cátie caroaro cariape jeto ã. To bairi camaja popiye na catamhoro na mh áph na ye wapa. Mhre caapihjarãre na cajía rewã. Mh ye quetire cabuioricarã quenare na cajíawã. Nare na cajíaro carií rewã. To bairo rooro na cátiere thjh yua, mere popiye na catamhoro na mh áph. To bairi rií jetore etigarãma yuchra yua, na cajíarique wapa. To bairi caroaro cariape cách mh ã, ch cañwh ángel ocore rií cajeñoorich Diore.

⁷ To bairo ch caíro yh caapiwh jhcah chre ch cayh wadaro tunu. Joe buje mhgorica cajawoph ch cawadarije cabauwh:

—To bairona mh bai, jã Upah Dio. Nipetirã netoro cátí majii mh ã. To bairi caroaro caripena ã na mh capopiyeyerije caroorije cänare, ch cawadarije cabauwh.

⁸⁻⁹ To bairo bai yua, ángel maja itiarã ati yepapure na cääáto bero apeñ cäämí tunu. Itiarã bero macach carui amí. Rui atí, ch joth macajere

capunirijere cajite batecõa joowõ tunu muipure. Umureco macacupure jejaro cajite bate peocõa joowõ. To bairo cu cátó seeto majuu caajiwõ muipu. To bairo cu caajiro camaja maca caã waroawã na ajeri. E waroa yua, rooro cu caĩ tuti macawã Diore. Riayere cajoo majiire rooro cu caĩ tuti macawã camaja caã waroarã maca. To bairo na caroorije wapa Dio seeto nare cu capopiyeyebato quena catugooñarique paíquëma caroorije na cátinucurijere. “Dio, nipetirijere caroti majii mu ã. To bairi mu catujoorije macare jã átigarã,” cu caĩ jeniquëma. “Cañuuquëcu ãmi Dio,” ñrique macare caïwã, Diore cu ï tuti macarã yua.

10 Cabero ángel apeñbapari cänacãu bero macacu carui amí tunu ati yepapure. Rui atí, cu jotu macaje popiye tamuoriquere cajite recõa joowõ cu quena. Monstruo cu caruiri paupure cajite re peocõa joowõ. To bairo cu cátó monstruo cu carotiri pauri nipetiropu cu carotirã na câni pauri canaitiacoapu. To bairo cabairo camaja seeto catamuwã. “¡Agu, agu!” caïwã. To bairo tugooñarique pai netobana na rijerori cabaque biawã. **11** Na cacamii boarije jugori seeto cawi-jiwã. To bairo na caroorije wapa Dio seeto majuu nare cu capopiyeyebato quena catugooñarique paíquëma caroorije na cátinucurijere. Caroorijere cátí janagaquëma. “Cañuuquëcu ãmi Dio,” ñrique macare caïwã Dio umurecoo macacure, cu ï tuti macarã yua.

12 To bairo ángel cu cátó bero apeñ carui amí tunu ati yepapure, jíca wamo cänacãu bero macacu majuu. Rui atí, cu jotu macaje popiye tamuoriquere cajite re ñuawõ Eufrates na caíri yapu capairi yapu.

To bairo cu cátó ti ya ria capairi ya anibato quena cabopo peticoapu yua. To bairi caoco mano ti ya peñaricaro cañuubujawu. I nugoa macana upará na surara mena ti ya riare caroaro na caneto aá majiparore bairo ñi, to bairo cámí ángel ti ya riare. Muipu cu cawamu ató maca macana ti ya riare caroaro na capeña aá majiparore bairo ñi, to bairo cámí ángel.

13-14 Cabero yu catujuwu tunu Sataná yarã wãtia itiarãre. Jucau dragõre cu rijeropure cabuti amí wãti jucau. Apeñ monstruore cu rijeropure cabuti amí cu quenare. Apeñ monstruo cabero macacu cañto païi macare cu rijeropure cabuti amí cu quenare. Tuburoare bairo cabauwã wãtia na rijeroripu cabuti atána. Apeye uniere camaja na catuju acuari wame cáti iñooparã cãma. To bairi to cãnacã maca macana uparâre na jee neori nare caquë rotiparã cãma. To bairi maca uparã surara mena na cajee neowã, Diore mani quérã ñrã, to bairo na cajugo ñwã. To bairo na cabairo ti pau na caquégari pau cãno ati yepa cãni tujari pau majuu anigaro yua. Dio nipetirã netoro caroti majii majuu cãre cabai netoo nucarãre cu careri pau majuu anigaro yua. **15** Caroaro apiñañaja mujaa. Ocõo bairo ñmi Jesu manire: “Yu tunu atígu. Muja cañ tugooña majiquëtopu nemoo yu tunu atígu. ‘Ti pau majuu cãno cajee rutii ejagumi,’ muja cañ majiquëtore bairona yu tunu ejagu muja tupu. ‘Ti pau ejagumi,’ cañ majiñña mani pau yu ejagu yua. To bairi caroare ája. Wariñuugarãma yu catunu ejaparore caroaro cãni yuurrã maca. Caroorije cátiquëna wariñuugarãma. Aperã caroorije cána maca bobogarãma. Cajutii manare bairo

bobogarāma naa yu catunu ejaro,” īmi Jesu. **16** To bairo yua, wātia Sataná yarā maca na cajee neowā caquēparāre. To cānacā maca macana ḫparāre na surara maja mena na cajee neowā. “Armagedón” hebreo ye mena cawame chtophre na cajee neowā yua.

17 To bairi yua, cha ángel Eufrates na caīri yare oco cabopo petiro cátach bero macach cámí apeī tunu ati yepa buiphre. Seis bero macach majuu cāmi. Cāni thajh majuu cāmi cha. To bairi ati yepa buiphre eja, jō buiph ch joth macajere capunirijere cajite recōa joowī ch quena. Wino buire cajite recōa joowī. To bairo ch cátó baujaro cawadarijere yu caapiwh. Dio wiiph cabauwh. Ti wii pupeaph Dio ch caruiro majuuph cawada wiojorajawh, jīcah ch cawadarije:

—To cōona to petiato ati ḫmhrecoo, caī wada wiojorajawh.

18 To bairo to caī wada wiojo yaparoro bero to cōona bhpo ch cayaberije cayabewh. Seeto cabhjhwh. Bhpo quena seeto capawī. Ati yepa quena seeto cawārewh. Cajugoye cawārerique netoro cawārewh seeto. **19** To bairo cawārerije jhgori ti maca “Babilonia” na caīri maca cawati nucacoaph. Itia yepa majuu cawati nucacoaph. To bairi to cānacā poa macana na ya macari macá wiiri quena capua wē peticoaph. To bairona Dio maca Babilonia macana caroorije na cátó tugooña, na cacōoña bejewī. Na cōoña bejei popiye seeto majuu na catamhoro na cámí na ye wapa. Capuni-jiniire bairo na capopiyeyewī Dio. **20** To bairi tunu yuch poari to cānacā poaphna carua peticoaph. ḫta yuch quena cayajicoaph yepa cawārero. **21** To

bairi ʉmarecoopʉ oco weta rupaa, cajoori rupaa cawẽ rui apá. To cānacā rupaa cuarenta kilo cōo canʉchawʉ. To bairo rooro wẽ rui ató camajare catāpo recōawʉ. To bairo cabairo tʉjʉwʉ camaja carujarã maca caroorije cʉ caĩ tuti macawã Diore. Cauwiobujawʉ tie cawẽ ruirije yua.

17

Condenación de la gran prostituta

¹ Cabero tunu yʉ tʉpʉ caejawī ángel. Capuniri jotʉrire cacagoricarã mena macacʉ jīcaʉ cāmi. Yʉ tʉpʉ eja:

—Adʉja yʉ mena, yʉ caĩwī. —Mure yʉ iñooogʉ mai atio caumʉare rooro cátí epe paiore Dio cōre cʉ capopiyeyepere. Ria capairi ya tʉ Babilonia na caĩri maca majuupʉ caruio popiye co catamʉopere mʉ yʉ iñooogʉ. Co popiyeyegʉmi Dio co ye wapa yua, yʉ caĩwī ángel maca. ² Í yua, yʉ caĩwī tunu: —Ati yepa macana ʉparã co mena caroorije cámá. Caroorã caroore na cátí eperore bairo na quena atio yere apeye uniere, to bairo co caqueti buiorije quenare caboo netowã. To bairi rooro majuu cámá ati yepa macana quena. Caeti cumu pairã rooro na caeti cumu mecnucurore bairona rooro majuu cámá na quena, co carotirore bairona, yʉ caĩwī ángel.

³ To bairo Í, yʉ cane aámi camaja na camanopʉ. Espíritu Santo cʉ camajiorije jʉgori yʉ cane aámi. To bairo yʉre cʉ cane aáto yua, co yʉ catʉjʉwʉ cāromiore. Co maca monstruo cajūaʉ buire caruiwõ. Caroori wamere cauca tu ecoorichʉ buire caruiwõ. Siete majuu

carupoaricac, tunu diez majuu cajawiaricac buire caruiwō. ⁴ To bairi jutii cajumerije, jutii cajūarije cajañawō. Oro caajiyarije mena cawamoorico cāmo. Úta rupaacāre caroa caajiyarije unie quenare cabujawō. Cabotiri rupaacā quenare cabujawō. Capée cawapa pacarije jeto cabujawō. To bairi etirica r̄a oro caajiyari r̄a canewō. Ti r̄a co caneri r̄a maca cajiracoap̄ caroorije. Ti r̄a macaje caroorije nipetirije rooro co cátie, rooro co cátie eperije quenare majioro cabaiw̄a. To bairi ti r̄ap̄a cajañaro caroorije cabau-rore bairo cabauw̄a caroorije co cátinucurije. ⁵ To bairi co riya pāip̄ure uca turique cām̄a. Camajiriori wame cām̄a tie uca turique. Ocōo bairo caīw̄a: “Atio itia wame cawamecaco āmo. BABILONIA capairi maca wamecāmo. CAROORĀ ROMIRI PACO quena wamecāmo. CAROORIJE CAÍ JŪGO MAJIO ÁCO quena wamecāmo,” itia wame majuu uca turique cām̄a co riya pāirop̄ure. ⁶ Caeti cumu paiope bairo camecāo cāmo cōa. Co mena macanare Dio yarā, Jesure caapiúja janagaquēnare cajīa re rotiwō capāarāre. To bairo majuuna na jīa re roticōari na carií rero catujā wariuñuucōawō camecāo maca. To bairi ȳa maca to bairo cajīa roti paiope co tujāȳa ȳa catujā acuacoap̄ yua.

⁷ To bairo ȳa catujā acuacoato ángel maca:

—¿Nope ūi cōre m̄a tujā acuati? Tujā acuacoato cōa. Caroaro m̄a ȳa queti buioḡa camajiriori wame co cabairi wamere. To bairona co caruiricā, monstruo siete majuu carupoaricac, diez majuu cajawiaricac c̄a cabairi wame quenare m̄a ȳa queti buioḡa, ȳa caīw̄i ángel.

8 Ocōo bairo yu caīwī tunu: —Cāa, monstruo cāmi tirumapure. Yucuacāre bauquēemi. Ape rāmu cānopu caūcuari opepu cānacu buti atígami tunu. Ti rāmu cāno Dio maca cu rocacōagumi cañ yati majiquētopu yua. To bairo cu cayajiparo jugoye Diore caapiujaquēna maca cu cāniecutiere tuju acuari cu apiuagarāma monstruore. Dio yarā cāno cōo na wamerire ati yepa cāniparo jugoye cu cauca turica pūuropu cauca tu ecooquetana maca monstruo cu cāti aniere tuju acuari cu apiuagarāma yua, yu caī queti buiowī ángel.

9 'Caroaro apiuja majiña mai mu yu caī queti buiopere. Camajirorijere mu yu queti buiogu. Apiya. Monstruore cu tujuya. Siete majuu caruoparicu ãmi. To bairona caroo, monstruo bui caruio ya macapu Babilonia cawamecutí macapu siete buurori majuu ã. **10** To bairona ti buurori cauparã siete majuure majioro bai. Ùparã na cabairi wamere mu yu buiopa. Ùparã mena macana juca wamo cānacu majuu care ecooricarã ãma. Apeí rotinucumi mai. Apeí seis bero macacu maca bauquēemi mai. Cu maca cauprau jāabacu quena yoaro aniquetigumi cu quena. To bairi yoaro roti majiquetigumi ati yepa macanare yua. **11** To bairona cāa monstruo mere yucuacā caejaricu cu jugoye macanare bairo cācu anigumi. Ùparã siete bero rotigumi cu quena. To bairo rotibacu quena yoaro roti aniquetigumi. To cōopu cu rocagumi Dio yua.

12 'Apeye tunu cāre, monstruo diez majuu cajawiari cucāre tugooñaña. Cu jawiari majioro bai aperã ùparãre. Diez majuu anigarāma ùparã. Cajāaquēma mai na carotipere. Ape

rūmupu uparā anigarāma. To bairi uparā jāarā monstruo mena na roti majigarāma camajare ati yepa macanare. Rotibana quena yoaroacā mee roti anigarāma. Jīca yuteacā jeto roti anigarāma. ¹³ To bairi naa maca uparā jīcarore bairo tūgooñagarāma. Monstruo cū carotirijere rotinemogarāma camajare. “Jā maca mū ēoro cāna maca jā rotinemogarā,” cū īgarāma monstruore. ¹⁴ To bairo bairā yua, “Jitá, cū mani quēto Cordero cawamecucure,” ame īgarāma. To bairo corderore cāre na caquēgabato quena Cordero maca na quē netogumi yua. Cordero maca nipetirā netoro caroti majii āmi. Maca uparā quenare nipetirāre carotii āmi. To bairi na quē neto majigumi. To bairi cū mena macana cū cabejericarā anigarāma. Aperā nare na capopiyeyebato quena Corderore cū apiuja janaquetigarāma, yu caī queti buiowī ángel.

¹⁵ To bairo yu ī queti buio, yu caī queti buionemowī tunu:

—Apeye tunu ria capairi yare mū tujuwu. Caroo co caruiro tū macá ya riare mū tujuwu. Ti ya ria capairi ya majuu ā. Ti ya buio majioro bai ati yepa macanare. Camaja to cānacā maca macana, to cānacā poa majuu āma co carotirijere caapijarā paarācacā. ¹⁶ Cabero yua, diez majuu uparā maca monstruo mena to cānacāupuna cōre teebujagarāma caroore. Cōre teerā co rocagarāma. Capee apeye uniere cacugobatacore, caroaro cajuti jañabatacore apeye unie máco co átigarāma. To bairo co áti yaparorā, co rupaū rire uga re peogarāma. To bairo uga yapirā carujarijere peropu joe re peogarāma yua. ¹⁷ To bairo cōre na carepere

Dio maca na yeripu na wadajágumi. Yu caboorore bairo na áparo ñi, to bairo na wadajágumi Dio. Cu maca jícarore bairona na tugooñaato ñi, na rotigumi Dio na yeripare. “Camajare mu carotirijere jã rotinemogarã. Mu ëoro cãna maca jã rotinemogarã,” monstruore na caíparore bairo boomi Dio. To bairona na wadajágumi Dio, cu ye queti buio jugoyeyeriquere bairo na cátiparore bairo ñi yua.

18 To bairi cãromiore co mu tujuwu caroore. Camajare rooro cátí jágo ãmo cõa. To bairo caroorije camajare co cátí jágorore bairona áama co ya maca Babilonia cawamecutí maca capairi maca macana, na quena. Ti maca macana caroorije áti júgoma ati yepa macana nipetirãre. To bairi uparã to cãnacã maca macana caroorije na cátí jágorore bairona áti rotinemonucugarãma na yarã quenare. To bairije yu caí queti buiowñ ángel yu catuju acuaro yua.

18

La caída de Babilonia

1 To bairo ángel yare cu caí queti buioro bero yu catujuwu tunu. Ángel umurecoopu carui acuré cu yu catujuwu. Seeto caajiya rui amí. Seeto caroti majii cãmi. To bairi seeto caajiyau ati yepapare cu carui ejaro ati yepa quena cabujuwu ángel cu caajiyarije jugori yua. **2** To bairo cabairo ángel maca seeto baujaro ocõo bairo caí wadawñ:

—Mere yua, mere na recõagumi Dio Babilonia macanare. Ti maca capairi maca macanare na recõagumi yua. To bairi ti macapu camaja

na camano wātia Sataná yarā maca ani ejagarāma. Nipetirā caroorā ani ejagarāma. Yucaa una quena ani ejagarāma Babiloniapure. ³ To cānacā maca macana maca Babilonia macana caroorije na cátí aniere tūjūma. Caroorije na cátí aniere tūjūri na quena na rupa macaje caroorijere átiganucuma na quena. To bairona to cānacā maca macana uparā Babilonia macana mena caroorije átinucuma na quena. To bairi to cānacā maca macana na ye apeye uniere joori cawapatarā pairo wapatama, ti maca macana na caboorijere joorā. To bairi yucura na recōagumi Dio nare Babilonia macanare yua, caīwī ángel maca seeto baujaro caī wada.

⁴ To bairo cū caíro bero yū caapiwū tunu umurecoo macacū apeī cū caírijere:

—Adūja, yū yarā. Ti maca macana mena aniqueticōña. Mūja quena nare bairo caroorije mūja átire. Nare bairo ána nare bairo popiye mūja quena mūja tamuoborā tie wapa. ⁵ Caroorije na cátie pairo ã. Caroorije na cátie papera pūuropū jīca tuti mani caucaata umurecoopure ejaboro ti tuti. To bairi yucura yua, Dio maca caroorije na cátie tugooñari na cōoña bejei áami. Na cōoña bejei popiye na catamhoro na átigumi yucura yua. ⁶ To bairi mūjaa ángel maja, Dio yere capaabojarā, cū caírore bairo ája. Popiye na catamhoro roque na ája Babilonia macanare. Diore caapijarāre rooro nare na cátatore bairona na ája. Netobujaro na ája caroorije na cátie wapa yua. ⁷ Ti maca capairi maca macana apeye uniere pairo cugoma. “Dije unie rūjaquēto mani cugó. Cawatoa macana mee mani ã,” īma. To bairona, “Caroti majirā

majuu mani ã. Noa manire roti neto majiquênama. To bairona mani ani wariñuucoa aninucugarã to cänacã rãmu,” ïma. To bairo rooro na caï tûgooñarije cõo rooro na popiyeyeya. ⁸ To bairi yoaro mee na cariaro roque na átigumi Dio. To bairo cu cåto to macana jïcaarã Babilonia macana bai yajicoagarãma. “¡Ayu, ayu!” ïgarãma na yarã. To bairona aperã ñigo mena bai yajicoagarãma. Aperã tunu ñcoagarãma mani Ùpaü Dio catutuaü perore cu cajoorije jugori. To bairona na popiyeyegumi Dio roorije na cátinucurije tujuri.

⁹ “To bairi ati yepa macana uparã to bairo Babilonia macana na cabairo tujurã yua, otigarãma. Babilonia macana mena rooro cátana maca na caya-jirijere tujurã otigarãma. “¡Ayu, ayu!” ï otigarãma. Babilonia na caïri maca cañorre tujujorã seeto tûgooñarique paigarãma ati yepa macana uparã. ¹⁰ Uwirã ti maca tucacã aáquetigarãma. Jöpuna ti maca ãnatore tujujocõa anigarãma. Tujujo, “¡Ayu, ayu!” ïgarãma. “Ti maca Babilonia capairi maca cänibato quena maa yucura. Yoaro mee yajicoapu. Yaji majuucoapu to macana rooro na cátie jugori yua,” ïgarãma ati yepa macana uparã maca.

¹¹ “To bairona ati yepa macana apeyere joori caniyeru wapatarã otigarãma na quena. Tûgooñarique paigarãma na quena. “Noa jã yere cawapayeparã maama yucura,” ï otigarãma. “Mani ye capee apeye uniere manire wapaye majiquêema yucura,” ï otigarãma. ¹² “Oro uniere, plata uniere, ñita rupaacäre caroa caajiyarije uniere, cabotiri rupaacã uniere, jutii cabotirijere, jutii cajumericijere, jutii caroaro capõrerijeacäre, jutii cajuarijere, yucu caroa cajuti ñuuriijere, marfil

na cañrije mena caroa na cátajere, yucu caroau
mena na cátajere, bronce mena caroa na cátajere,
comee mena caroa na cátajere, mármol na cañrije
mena caroa na cátajere cawapayeparā maama.
Mani apeyere cajeeparā maama,” ñigarāma.
¹³ “Ugariquere cajā ajurije, canela na cañrije, bia
uniere, caroa juti ñuurike uniere, uco uniere, vino
uje ocore, uje olivo na cañrije macajere, poca caroa
macajere, trigore, wecuare, ovejare, caballoare,
cabalhoa tūgarica betorire, camaja capaabojarāre
noa na wapayequetigarāma yucura yua,” ñigarāma.
¹⁴ To bairo i, ocōo bairo ñigarāma tunu, apeyere joori
cniyeru wapatabatana tunu: “¡Ayu, ayu! Yucura
Babilonia macana ãnana yajicoama. Na caboo
netorije quena yajicoapa. Nipetirije caroa unie
yajicoapa. Na ye pairo cawapacutie yajicoapa.
Yucura tuju buga majiña mano tie yua,” ñigarāma
apeyere joori cniyeru wapatabatana maca.

¹⁵ To bairi pairo cawapatabatana maca Babilo-
nia macana Dio nare cu capopiyeyero uwibana
ti maca tūacā aáquetigarāma. Jōpuna ãnaa ti maca
ãnatore tujocōagarāma. To bairo tujujorā oti awa-
jagarāma, seeto tūgoonarique paibana. ¹⁶ To bairo
tūgoonarique paibana, “¡Ayu, ayu!” ñigarāma. “Ti
maca caroa maca cānibapu. Cāromio caraoa wa-
magacōa átacore bairo caroaro tūjoo ñuuri maca
cabaubapu ti maca ãnato. Cāromio caroa jutii,
cajumerije, cajūarije cajañaore bairo cabaubapu.
Cāromio caroa cabaurije mena oro unie, ùta ru-
paacā caroa caajiyarije unie mena, cabotirije ru-
paacā unie mena áti wamagacōarico co cabauore
bairo cabaubapu ti maca ãnato. Caroa maca majuu
cānibapu. ¹⁷ Yucura maa yua. Nemoopuna yaji-

coapu ti maca ãnato. Nipetirije ti maca macana na ye ãnaje apeye unie yaji peticoapu. Caroa unie yaji peticoapu,” ïgarãma na apeyere joori cawapatatabatana maca.

18 ’To bairi ria capairi ya macaje cumua capairica macaje uparã ti maca ãnatore tujujogarãma. Na mena macana quena capairi yapu jee cåaáteñarã to bairona ti maca ãnatore tujujogarãma. **18** Ti maca ãnato caã bujerijere tujujorã seeto tugooñarique paigarãma. Tugooñarique pairã ocõo bairo ï awajagarãma: “¡Di maca ati macare bairi maca caroa maca majuu camamu!” ïgarãma.

19 ’To bairo ïrã yua, na rupoari buire jita ma peogarãma, seeto tugooñarique paibana. Oti awajagarãma seeto, “¡Ayu, ayu!” ï oti awajagarãma. “Mania ria capairi yapu caapeye jee aáteñarã mani nipetirã pairo mani cawapatanucubapu, ti maca macanare nunirã. Yucra maa ti maca caroa maca ãnato. Yoaro mee yajicoajupa yua,” ïgarãma riapu caapeye jee atínucubatana maca.

20 ’Yucra yua, mujaa umurecoo macana wariñuuña. Diore caapiñjarã quena, mujaa apóstol maja quena, mujaa Dio ye quetire cabuiorã quena, mujaa nipetirã Dio yarã wariñuuña. Mere popiye na catamuoro roque na átigumi mani Pacu Dio nare, Babilonia macanare. Rooro mujaare cátanare to bairo na átigumi Dio na ye wapa. To bairi wariñuuña mujaa.

21 Cabero tunu ángel jícau catutuau cabuia ejawu. Cu maca ãta cui catuburi cui majuure cane mugowu. Trigore na cawáiari cui unore cane mugowu. Ti cui canucuri cui majuure ne mugou

caroca ñua joowī ria capairi yapare yua. Roca ñua joori:

—To bairona baigaro Babilonia na cañri maca, cañwī. —Ti maca capairi maca to bairona baigaro. Yaji majuucōagaro ti maca. Camaja dope bairo áti būga majiquetigarāma ti macare, cañwī.²² — To bairi mere apiya manigaro ti maca macana na cabajarije yua. Harpare na cabūga pñtē bajarije quena, tōroa mena na cátí bajarije, putirique mena na cátí bajarije noo cōopū apiya manigaro ti macapure. To bairona paari maja apeye uniere caroa caquenoorā manigarāma. To bairona cabūjurije trigore na cawāiarije quena būjuequetigaro tie quena.²³ To bairona jīa bujirique quena ñ buju batequetigaro. To bairona cawamarā cawamo jiarā na cawadarije apiya manigaro. Ame tñjari wadapenirique caroa warinuurique mena apiya manigaro ti macapure yua. To cōona camaja manigarāma ti macapure. To macana na apeyere joori caniyeru wapatari-carā maca pairo caniyeruc̄na anibapa. Caroti majirāre bairo anibapa. Caroorije cátinucurā áama naa. To bairi cabaje majiri maja anibana ati yepa macanare na ñtoma. To bairi Dio maca ti maca macanare to bairona na regumi yua.

²⁴ Caroorije majuu áama ti maca macana. Diore caapijarāre, Dio ye quetire cabuiorā quenare, “Na jīa recōaña,” ñinucuma na yarāre ti macapure. To bairona jīa rotinucuma nipetiropure. To bairi na quenare na recōagumi Dio ti maca macanare tunu.

19

¹ To bairo Babilonia macana na cabaipere

tuju yaparou yua, yu caapiwu tunu cawadari-jere. Umurecoo macana capaara majuu seeto na cawada bate joorije cabaurijere yu caapiwu.

¡Aleluya! ¡Diore mani ñ waríuu bajato! Roro majuu mani catamuboriquere mani cane-toobojau ámi mani Upau Dio. Caroau majuu ámi. Nipetiráre carotii ámi cua.

2 Caroaro cariape cáu ámi Dio, caroorije cánare to bairo nare popiyeyei. Camaa mena cáti epe paio ya maca macanare seeto na popiyeyegumi yua. Ti maca macana caroorije majuu na cátierie tujuri na cõoña bejei áami Dio. To bairo na cõoña bejei yua, popiye na catamuoro roque na átigumi Dio caroorije na cátie wapa. Cu caboorijere caapiujaráre na cajula recõa átinucuriye wapa to bairona na popiyeyegumi Dio, cauñ wada baujawa umrecoo macana maca.

3 To bairo ñ ocõo bairo cauñ baujawa tunu:

¡Aleluya! ¡Ñuu majuucoa! Ti maca capairi maca ñgaro bai. To bairona ti maca bujeri bujecõa aninucugaro to cãnacã rumu yua, cauñ wada baujawa naa, umrecoo macana.

4 To bairo na cauro cabucura carotira veinticuatro majuu cãna rupopatuarip ejacumuri Diore cu cáti nucubugowa. Ricati cabaura cuatro majuu to bairona cámá na quena. Dio cu caruiri pau tu cu cáti nucubugowa:

—¡Dio cu cátie ñuu majuucoa! ¡Aleluya! ¡Ñuu majuucoa! cauñ bajawa.

5 To bairo na cauro Dio cu caruiri paupu cawadar-
ije cabuju butiwu:

¡Mani Pach Diore ch ñ wariñuu bajanemoña mhja quena! Mhjaa ch yarã, chre canhcabugorã, ch ñ wariñuu bajanemoña. Mhjaa cahparã quena, cawatoa cãna quena, mhja nipetirã ch ñ baja wariñuu nemoña, toph Dio th macach ch caírije cabau buti atírajawh Dio ch caruiri pauph.

La fiesta de las bodas del Cordero

6 To bairo ch caí wadaro bero yh caapiwh tunu camaja capharã na cawadarijere. Seeto cabuhwh na cawadarije na quenare. Ùta poerori capee cabuhrore bairo cabuhwh. Bupoa seeto na caparore bairo cabauwh:

¡Aleluya! ¡Ñuu majuucõa! Mani Ùpah Dio catutuah aniri nipetirã netoro caroti maji majuh ãmi. Ch caboorore bairo áti peocõami, caí wadawã yua.

7-8 To bairi boje rhmh mere ejacoapa. Cordero ch cawamo jiapa rhmh mere ejacoapa. To bairi Cordero nhmo cãnipaore ñe unie co rhjaquhe. Jutii caroa cabotirijere cõre na ca-jooriquere jañathgamo mere. Caroaro caajiyarijere bairo mere jañamo. Jutii cahgueri maniere jañamo. Diore caapihjarã ch yarã cãni poa ñgaro áa Cordero nhmo cãnipao to cañata. Dio yarã caroaro na cãniere majioro bai cabotiri yeje jutiiro. Caroa majuu ã na cátie, caroorije mano. To bairi Diore mani ñ wariñuu bajaato. “Mh jeto caroah majuu mh ã,” Diore mani ñ wariñuu bajaato, caí wadawã.

9 To bairo cawadarije na caĩ wada yaparoro ángel yu tu cãcu maca yu caĩwĩ tunu:

—Mure yu caĩrore bairo uca tuyu, Juan, yu caĩwĩ. —Wariñuurã áama camaja Cordero cu ya boje rumu cãno na capijoricarã, yu caĩwĩ. —Tie mure yu caĩrije cariape ã. Dio maca yure caqueti buiowĩ tiere, yu caĩwĩ ángel.

10 To bairo cu caĩro cu tupure rupopatuari mena ejacumuri, cu ñucubugou yu cápu. To bairo yu cáto cu maca:

—¡To bairo átiqueticõaña! yu caĩwĩ. —Mure bairona cãcu yu ã yu quena, Dio cu carotirijere cãcu. Mu yarãre bairo quenare, Jesucristo ye queti caapiñjarãre bairo quenare yu ã. Jícaro cõ mani áti aninucu. To bairi yu tupure rupopatuari mena ejacumuqueticõaña mua. Dio jetore cu áti nucubugoya. Dio manire cu caiñoorije nipetirijere manire áti iñoonucumi, camaja Jesu cu cáto aniere caroaro na majiato ii, yu caĩwĩ ángel.

El jinete del caballo blanco

11 To bairo cu caĩro bero umurecoore pãricarore bairo yu catujujowu. Topu yu catujujoro caballo cabotii majuu cabauwĩ. Cu buire capejawĩ jícau. CU CAÏRIJERE BAIRO CÁCU cawamecumi cu buire capejau. Ape wame quena, CARIAPE CAĨ BUIOU cawamecumi. Cãa caroaro cariape camajare na cacõoña beje majiwĩ, caroaro na cátierie o rooro na cátierie tuju majiri. To bairona cu wapanare popiye na catamuoro roque na cãcu cãmi. **12** Cu capeari perore bairo caajiyawu. To bairi cu rupoa buire capejawĩ rupa betori unie, caajiyari betori uparã na capejari betori uniere. To bairi cu riya

pāipure uca turique cabau tujawh. Ti wame chriya pāipure cabau tujarijere ch jeto camajiwī. Aperā camajiquēma. ¹³ To bairi ch jutiiro cajūari jutiiro majuu cabauwh. Rií bapapure na cajāricarore bairo cabauwh ch jutiiro. To bairi ape wame quena cawamechmi: DIO YE QUETIRE CABUIOU MAJUU cawamechmi cāa. ¹⁴ To bairo ch cāáto, umhrecoo macana surara ch bero cahjawā. Na maca caroa jutii cabotirijere, cahgueri maniere cajañawā. Caballoa cabotirā bui capejawā ch berore uja aána. ¹⁵ To bairo na cāáto chna na uhpah macare ch rijeropure cabuti nhcawh jarerica pāi caori pāi majuu. To bairi to cānacā maca macana cāre cabooquēna ch uwibhjagarāma. Na quē netocōaghmi tī pāi mena. To bairi ch carotirore bairo na cátó na átighmi. Tutuaro majuu na rotighmi. Cāre cabai netoo nhcarāre na reghmi. Camaja uje oco jeegarā na cachta waaro re bairo tutuaro na átighmi, cāre caapihjaquēnare na popiyeyei. To bairi Dio nipetirā netoro cátí majii aniri ch carotirore bairo na átighmi. ¹⁶ Apeye tunu caballo bui capeja aácu ch ujepatoph uca turique cāmh, ch jutiroph quenare. Ocōo bairo cabau tujawh: NIPETIRĀRE CAROTII, UPARĀ QUENARE CAROTII caí tujawh ch ujepatopure, ch jutiroph quenare uca turique cānie.

¹⁷ Cabero yh cathjowh ángel apeñre muipu ch caajiyarije th cathjuncuhre. Ch maca baujaro majuu capijowī. Yucaare na capijowī, na neñaato ñi.

—Ugarā ajá, na cañwī. Dio ch careparā na rupahri ãnajere na ugaato ñi, nare capijowī ángel yucaare. —Capee anigaro na rupahri ãnaje. ¹⁸ Cahparā

rupauri ãnajere muja ugagarã. To bairona surara majare carotirã quenare, seeto caquẽ majibatana quenare, caballoa quenare, na bui capeja aána quenare, nipetirã camaja na rupauri ãnajere muja ugagarã. To bairi capaabojari maja quenare, na majuuna capaariquecuna quenare, cawamarã, cabucurã, camajirã quenare, nipetirã na rupauri ãnajere muja ugagarã. Capee anigaro muja caugape yua, na caíwĩ ángel yucaare.

19 To bairo cu caíro yu catujujowu tunu ati yepapure. Atore neñaporã cabaiwã camaja. Monstruo quena, ati yepa macana uparã quena, na surara quena neñaporã cãma. “Caballo bui capeja aácure cu mena macana quenare na mani jia recõarã,” ñrã, neñaporã cãma. **20** To bairo na caneñaporó yua, caballo bui capeja aácu maca pugarãre na cañewu. Monstruo quenare, cu bero macacu caíto paí quenare na cañewu yua. Caíto paí cabero macacu maca camaja na catuju acuarijere cáti iñooricu cãmi. Monstruo cu jugoye macacu cu camajio joorije jugori to bairo catujuya maniere cáti iñooricu cãmi. To bairo na áti iñoori camajare na caítoyupi. Monstruo ya wamere na riya puairoripure cauca tu rotiricarãre caítoricu cãmi. Cure bairo cabauu na cawericure cáti nucbugorãre na caítoricu cãmi. To bairi yua monstruore, monstruo bero macacu caíto paíre na pugarãpurena na cañewu caballo bui capeja aácu maca. Na ñei yua, cacatirãrena na carecõa joowu asufre mena cauri peropu, pairi pero majuu. **21** To bairo na recõa jou yua, aperãre na mena caneñapobatanare na cajua recõawu. Cu ya pui mena, jarerica pui mena na cajua peocõawu. Cu ri-

jeropare cabuti nacari pāi mena na cajīawī caballo bui capeja aácu maca. To bairo cu cajīaro bero na rupaúri ãnajere yucaa maca cauga yapicoama rooro majuu yua.

20

Los mil años

¹ Cabero yu catujujowu tunu ángel apeñ umarecoopu carui acáre. Llavere cacugowī, pāricarore, ope cañchari opere pāricaro. Come wēre cadena capairi wē quenare cacugowī. ²⁻³ To bairi ati yepapare rui eja, dragōre cu cañewī. Pinore bairo cācu carujugoure diablo, wātia upau o Sataná cawamecacure cu cañewī. To bairo cu ñei yua, ti wē come wē mena cu caja tuwī. Cu jia tu, ti opepu cañchari opepu cu catuga ne roca jāacōa joowī. To bairo cu tāga ne roca jāa yeparou ti opere cabia tucōawī llave mena. To bairi mil cānacā cumari majuu pārique manigaro. Mil cānacā cumari camajare na cu Ítoqueticōato ñi, to bairo cabiawī ti opere ángel. Mil cānacā cumari bero to cōona, ti opepare cu buti rotigami tunu dragōre. Cūre cu cabuti rotibato quena, yoaro caroorijere áti teñaquetigumi dragón yua.

⁴ Cabero yu catujujowu tunu ruiriquere caroti majirā na caruirijere. Topu caruirā quenare na yu catujujowu. Na maca camajare Dio cu cabeje rotirā cāma. To bairi tunu aperā quenare na yu catujujowu cabai yajiricarā catunu catirāre. Jesure caapijarā, Dio ye quetire caapijarā cāma. Ati yepapu ãnaa mai monstruore cu cátí nucabugoquējuparā. Cūre bairo cabau camaja na cawericu quenare cátí nucabugoquējuparā.

Na riya pāiroripure, na wamoripure c₄ ya wamere cauca tu rotiquējuparā. To bairona c₄ cabooquējuparā. To bairo na cabairo yua, ati yepa macana maca na cajīa rewā. Na rupoarire capajure recōañuparā. To bairo ána nare cajīa rewā. To bairo na cajīabato quena Dio maca nare catunu catioyupi. To bairo c₄ cátō Jesucristo mena carotirā anigarāma mil cānacā c₄mari majuu yua.

⁵ Naa, Dio c₄ catunu catio j̄ugóricarā cāma. Aperāre cabai yajiricarāre Dio na catunu catioquēmi mai. Mil cānacā c₄mari bero nare tunu catioḡumi Dio aperā macare. ⁶ To bairo Dio c₄ catunu catio j̄ugóricarā maca wariñuu anigarāma seeto. Dio yarā majuu ãma caroarā. Cabai yajiricarā anibana quena p̄ugani yajiquetigarāma. Perop̄ na requetiḡumi Dio. Diore, c₄ Mac₄ Jesucristo quenare áti nuc̄abugori sacerdote majare bairo maca anigarāma, Dio yere buiobojarā. To bairi Jesucristo mena carotirā anigarāma mil cānacā c₄mari majuu yua.

⁷ To bairi mil cānacā c₄mari capetiro ángel pāricarore cacugou, Sataná macare preso joorica opep̄ cānacare c₄ buuḡumi yua. ⁸ To bairi Sataná maca buti eja₄ ati yepa macanare na ītogañumi tunu. To cānacā pa₄ camaja na cāni pañrip̄ na īto teñaḡumi. Gog, Magog cawamecūti macari macana quenare na īto teñaḡumi. Camaja capāarā majuu neñari na ame quēato ñi, na ītogañumi Sataná. To bairi capāarā majuu camaja poari cōona, cōoña peo majiña mano na ītogañumi yua. ⁹ To bairo nare c₄ cañoro c₄ cañ rotirore bairo átigarāma. To bairi nipetirop̄ cānana neñapogarāma, Dio yarāre quēgarā. To bairi Dio yarā na cāni macare carupa

beto tujunucuri na camotagarāma. Ti maca Dio cu camairi maca macanare na camotagarāma. To bairo na cátibato quena yua, pero umurecoo macaje na wẽ re peagaro. To bairi caquēgabatana maca û peticoagarāma yua. ¹⁰ To bairo na cabairo Dio maca diablo Satanáre wātia ɻpaure ati yepa macanare cañorich majuu ch rocacõa joogumi asufre mena cañri peroph capairi pero majuu. Monstruo, ch bero macachh cañto pail mena, na ch care jooricaroph ch rocacõa joogumi Sataná quenare. To bairi toph ãnaa umureco quenare, ñami quenare seeto wijiocõa aninucugarāma to cānacã rumh, ti perophre ãnaa yua.

El juicio ante el gran trono blanco

¹¹ Cabero yh catujhjowh tunu ruiricaro pairi cumuro, caupau ch caruirica cumuro, cabotiri cumurore. Toph caruii quenare ch yh catujhwh. To bairo yh catujhro umurecoo capeticoaph. Yepa quena capeticoaph. Cabero cabaunemoquẽph yua. ¹² To bairo cabairo cabai yajiricarã catunu catiricarãre na yh catujhwh. Cauparã quenare, cawatoa cāna quenare na yh catujhwh nipetirãre. Caupau ch caruiro riape catujunucuwã. To bairo na catujunucuro cua, Caupau maca capawh ch papera puurire. To bairi ape puuro quenare capawh. Ti puuro cabero macá puuro maca Dio yarã na wamerire ch cauca turica puuro cãmu. To bairi camaja nipetirã cabai yajiricarã catunu catiricarãre na cacõoña bejewh Dio rooro na cátaje, caroaro na cátaje quenare, ti puuriphre ch cauca turiquere tujuri. ¹³ To bairi mar capairi yaph cayajiricarã catunu catiwã. Ati yepaph cayajiricarã quena

catunu catiwā. To cānacā yatea macana ati yepapu cānibatana catunu catiwā. To bairo na catunu catiro, cā Caupau maca na quenare na cacōoña bejewī rooro na cátaje, caroaro na cátaje quenare, cū cauca turiquere tūjuri. ¹⁴ Caroorije cátana maca asufre mena caāri peropu na carecōa joowī pairi pero majuuuphre. To bairi Dio cū cabooquēna maca ti peropu cayajinemowā. Puganipu cabai yajiri-carāre bairo cayajiwā. Rooro majuu cabaiwā yua. ¹⁵ To bairi noa Dio yarā cū mena cānicōa aniparā na wamere cū cauca turica pūuropuhre na ya wame uca turique camamata na carecōa joowī ti peropu yua.

21

Cielo nuevo y tierra nueva

¹ Cabero yu catujujowu tunu. Cawama umurecoo quenare, cawama yepa quenare yu catujujowu. Cajugoye macaje ati umurecoo, ati yepa quena capeticoapu. Mar capairi ya quena camamu. Dio nemoo cū cāti jeñoorique cawajoarique jeto cāmu yua. ² Cawajoarique jeto tūju yaparopu yu Juan yu catujujowu tunu. Cawama maca umurecoo Dio tūphu carui nutuati macare yu catujujowu. Ti maca Nueva Jerusalén cawamecuo caroa maca, Dio ya maca majuu cabauwu. Cāromio wamo jiago co manapu cānipau, yure cū tūju warinuato īo caroa jutii jañacōarico co cabauvore bairona cabauwu ti maca caroa maca. ³ Cabero tunu baujaro majuu cawadarijere yu caapiwu. Upau cū caruiri pauna ocōo bairo cañ wadawu:

—¡Apiya! Yucura Dio cū yarā mena anicōa aninucugumi. Na aáweoquetigumi. Naa cū yarā majuu

anicõa anigarãma. To bairi Dio na mena aniri na Ʌpaʉ anicõa anigʉmi to cānacã rʉmʉ yua. ⁴ To bairi cʉ yarã na caotirijere, na cape ocore na coje rebojagʉmi Dio, to cōona tʉgoñarique paquet-icõaña na ñi. “Caroaro mʉjaare yʉ cotecõa aninucugʉ to cānacã rʉmʉ yua,” na ìgʉmi Dio nare, cʉ yarãre. To bairi bai yajiquetigarãma. Riaye manigaro. Tʉgoñarique pairique quena manigaro. Otirique quena manigaro. Wijiorique quena manigaro. Ti yepa macaje cāni jʉgobataje manigaro. Caroa wariñuurique jeto anigaro atopare Nueva Jerusalén cawame cʉtopare Dio mena, caĩ bau buti ejawʉ.

⁵ To bairo caĩro bero ti paʉpʉ caruii Ʌpaʉ maca:
—Apiya mʉjaa, caĩwĩ Dio. —Nipetirije caroa cawama jeto yʉ áa tunu, caĩwĩ.

To bairo ñi yʉ cauca tunemo rotiwiñ:
—Tie mʉ caapiejere caroaro cariape queti buirique á. To bairona baicõa anigaro tie mʉ caapieje. To bairi tiere uca tuya mʉa, yʉ caĩwĩ Dio.

⁶ To bairo ñi:
—To cōona á, yʉ caĩwĩ. —Yʉa, nipetirijere cátacʉ yʉ á. Nipetirijere camajii yʉ á. Nipetirã netoro catutuaʉ yʉ á. Cāni jʉgoricʉ yʉ á. To bairona yʉ anicõa aninucugʉ to cānacã rʉmʉ. To bairi camaja seeto caboorãre catiriquere na yʉ joonucu. Wapa mano na yʉ joonucu. Na cajeniro nemoona na yʉ joonucu caroaro catiriquere, yʉ mena na anicõa aninucuato ñi yua. ⁷ To bairi noa caroorijere Sataná cʉ carotirijere cátiqueticõa aninucurãre nare yʉ joogʉ caroare. Na cátí nacubʉgoʉ yʉ anicõagʉ. Na maca yʉ punaa majuu cāna anigarãma. ⁸ Aperã maca uwirã yʉ ye quetire

caapiñjaquēna maca asufre mena cañri peropu anigarāma. Yure caapi nacubugorquēna quena, caroorije cáticōana quena, aperāre cajlarā quena, cáti epericarācuna quena, cumu ãnajere cána quena, Dio cāníquēna wericarāre cáti nacubugorā quena, caíto pairā quena, nipetirā to bairona cabairā peropu aágarāma asufre mena cañri peropu na ye wapa. To bairo tamorí pugani cabai yajiricarāre bairo yajinemogarāma, cañwí Dio.

La nueva Jerusalén

9 Cabero ángel yu t̄p̄u caejawí tunu. Roro tamorije cajañari jotari cacugorā siete mena macacu jícau cāmi. Yu t̄p̄u ejau:

—Aduja, yu cañwí. —Mure yu iñooogu Cordero cu nūmo cānipao co cāni maca.

Cu nūmo cānipao ii Jesure canacubugorā cāni poa íg u cañupi. **10** To bairo yu í, Espíritu Santo cu camajiorije jugori yu cane aámi ñtauphre. Pairicu, caumharicu buipare yu cane aámi. To bairi topu yure ne aá, yu caiñoojowí caroa macare. Dio t̄p̄u carui nutuatí macare yu caiñoojowí Dio ya maca macare, pairi maca, Jerusalén cawamecuti maca majuure. **11** Ti maca Dio cu caaji baterije mena caajiyawu. Ùta rupaacā cawapa pacarije caroa caajiyari rupaacāre bairo caajiyawu. Jaspe cawamecuti rupaacā caajiyarore bairo cabauwu. Vidrio cabotirijere bairo caroaro cabauwu ti maca. **12** To bairi ti macare ñta rupaa mena na cawe amojorerica janiro cāmu. Ùmharo majuu bia ejooricaro cāmu. Taburo majuu cāmu na cabiarique quena. To bairi joperi doce majuu cāmu. Ti joperi cāno cōona cāma ángel

maja. To bairi ti joperi buire uca turique cāmʉ. Israel macana doce poari macana na wameri uca turique cāmʉ joperi buire. ¹³ To bairi ti maca tʉjaro na cajania amojorerica janiropare to cānacā nʉgoa tʉpʉrena itia jope jeto cajopericʉpʉ ti janiropare. Ti joperi cāno cānacāʉna cāma ángel mama. Muipu cʉ capiya atí puri macare itia jope, cʉ caroca jāatí puri macare itia jope, cajōcʉ nʉgoa tʉ itia jope, ape nʉgoa tʉ quenare itia jope cāmʉ ti janiropare. ¹⁴ To bairi ti maca ʉta rupaa mena na cawe amojorerica janiro pʉtopʉre cāmʉ ʉta pāiri, doce majuu capaca pāiri. Na cawe cū jugórica pāiri cāmʉ, ti janiro caroaro to tʉjʉnuquato īrā. To bairi ti pāiri buire uca turique cāmʉ. Apóstol mama, Cordero yarā doce majuu na wameri cāmʉ uca turique ti pāiri buire.

¹⁵ To bairi cāa ángel yʉre caqueti buioʉ maca cōoñaricʉ cacʉgowī. Oro caajiyaricʉ cāmʉ. Tii mena ti macare cōoñagʉ cabaiwī. Ti maca joperi quenare, ti maca ʉta mena na we amojorerica janiro quenare cōoñagʉ cabaiwī. ¹⁶ To bairi ti ire ne aá, ti macare cacōoñawī yua. To bairo cʉ cacōñaro to cānacā nʉgoa jīcaro cōo jeto cāmʉ ti maca. To bairi dos mil doscientos kilómetros cōo yoaro cāmʉ to cānacā nʉgoapʉna. To bairona dos mil doscientos kilómetros ʉmuaro majuu cāmʉ ti maca. ¹⁷ Cabero tunu ti maca ʉta mena na cawe amojorerica janiro quenare cacōoñawī ángel. Camaja na cacōñarore bairona cacōoñawī. To bairi sesenta y cuatro metros ʉmuaro majuu cāmʉ ti maca na cawe amojorerica janiro maca.

¹⁸ To bairi jaspe na cañije caroa ʉta rupaa mena na cátaje cāmʉ na cawe amojorerica janiro. To

bairi ti maca oro majuu caajiyarije mena na cátaje cāmu. Ùgueri mano caroa eñorore bairo caajiyawu. **19-20** To bairi ti maca na cawe amojorerica janiro caputo macaje, na cawe cū júgorica pāiri maca caroa ñta pāiri majuu cāmu. Doce pāiri majuu cāmu. Jíca pāi jaspe cawamecūtie ñta pāi caroa pāi cāmu. Ape pāi safiro cawamecūtie ñta pāi cāmu. Ape pāi ágata, ape pāi esmeralda, ape pāi ónice, ape pāi cornalina, ape pāi crisólito, ape pāi berilo, ape pāi topacio, ape pāi crisoprasa, ape pāi jacinto, ape pāi amatista cawamecūtie caroa ñta pāiri cāmu, ti maca na cawe amojorerica janiro caputo macá pāiri, na cawe cū júgorica pāiri. **21** To bairi ti maca macaje joperi perla cawamecūti rupaa mena, caroaro cabotiri rupaa mena na cátaje cāmu. To cānacā joperipurena jíca jeto cāmu perla. To bairi ti maca recomaca cásaáti wā oro majuu mena na cátá wā cāmu. Ùgueri mano caroa eñorore bairo caajiyawu ti maca recomaca cásaáti wā.

22 To bairi ti macapure ti wiire Dio wii unore yu catuquêp. Camam u Dio wii, templo na caíri wii. Ti maca nipetirop Diore cu cátí nucubugowā ti maca macana maca. Dio catutua, cu Macu Cordero cawamecuc quenare na cátí nucubugowā camaja ti maca nipetirop. To bairi ti maca nipetiro Dio ya pa majuu, templo cāmu. Dio cu cānopu cāmu ti maca. **23** To bairi ti maca ñe unie carujaquêp cajia bujupe. Dio ye cu caaji baterije mena caroaro cabujuwu. Cordero cu caajiyarije mena quena caroaro majuu cabujuwu. To bairi muipu umareco macacu quena, muipu ñami macacu quena na camanibato quena ñe unie carujaquêp cajia bujurije ti macapure. **24** To bairi

to cānacā poa macana camaja na cāni paúripa
ti maca cabujurije júgori na cátipere caroaro áti
majicōagarāma. To bairi ati yepa macana caúparā
ti macapure ejagarāma, Diore cū áti nucubugorā
ejarā. ²⁵ Ti maca macaje joperire biaquetigarāma.
Párica joperi jeto anicōa aninucugaro to cānacā
rūmu. Ti macapure ñami manigaro. ²⁶ To bairi
camaja to cānacā poa macana ti macapure eja-
garāma, Diore cū áti nucubugorā ejarā yua. ²⁷ Dije
unie caroorije ti macapure jääquettigaro. Caroorije
cána quenare na jää rotiquetigumi Dio. Cañito pairā
quenare na jää rotiquetigumi. To bairi Cordero
cū yarā na wamerire cū cauca turica püuropu na
wamerire cū cauca turicarā jetore na jää rotigumi
Dio ti macapure.

22

¹ Cabero ángel yū caiñoowī tunu riare. Ti ya mani
cacaticōa aninucupere cajoori ya cāmu. Cabotiwū
eñoo pāire bairo. Ti ya ria Dio, Cordero quena
na caruiri paú ñoropu cabutiwu. ² To bairi ti
ya ria ti maca recomaca macá wāpū cayu aápū
oco. To bairi ti ya ria pūga nūgoa tūpuna yucuri
cāmu. Ti yucū rica mani cacaticōa aninucupe
cajoorije cāmu. To bairi ti yucū to cānacāpuna
caricacupu doce wameri majuu. Jīca wame cari-
cacupu to cānacā muipu. Ape muipu ape wame,
ape muipu ape wame caricacupu. To bairi tunu
ti yucū pūu quena cañuubujawu. Ti pūu júgori
camaja nipetiri poa macanare na cacatiope cāmu.
³ To bairi ti macapure caroorije manigaro. Caroa
jeto anigaro. Dio caroti majii majuu cū caruiro
topu anigaro. Cordero cū caruiri paú quena topu

anigaro. To bairo Dio cu Macu mena topu cu c\u00e3no yua, Dio yar\u00e1 cu carotirijere c\u00e3na maca cu \u00f1 wari\u00fanu nucubugogar\u00e1ma. ⁴ To bairi Diore cu ria-pena cu t\u00eaj\u00e1 majigar\u00e1ma. To bairo quena na riya p\u00e1irorip\u00e1re uca turique baugaro. Dio ya wame uca turique majuu baugaro na riya p\u00e1irorip\u00e1re. ⁵ To bairi mani \u00d7pa\u00e1 Dio cu caaji baterije mena ti macare j\u00e1 bujug\u00e1mi. To bairi j\u00e1 bujurique unie manigaro. Muipu quena manig\u00e1mi. To bairo ca\u00e1 bujurije to camanibato quena cabujurije jeto an-ic\u00f3agaro. To bairi \u00fanami manigaro. To bairi Dio yar\u00e1 Jesucristo mena carotir\u00e1 anic\u00f3a aninucugar\u00e1ma yua.

La venida de Jesucristo est\u00e1 cerca

⁶ Cabero y\u00e1 ca\u00e1w\u00e1 tunu \u00e1ngel y\u00e1re caqueti buio t\u00eaj\u00e1:

—M\u00fcre j\u00e1 caqueti buioeje nipetirije caroaro cariape \u00e1. To bairona baic\u00f3a anigaro, y\u00e1 ca\u00e1w\u00e1. —Mani \u00d7pa\u00e1 Dio, c\u00u01 ye quetire cabuior\u00e1re cajo\u00e1 maca, j\u00e1 joomi. J\u00e1re \u00e1ngel majare m\u00e1 t\u00e9pure j\u00e1 joomi. Y\u00e1 yar\u00e1 ti yepa macana, y\u00e1 carotirijere caapi\u00e1jar\u00e1 maca ti umurecoo capetiparo jugoye cabaipere caroaro na majiato \u00f1i, j\u00e1 joomi Dio m\u00e1 t\u00e9pu. M\u00fcre c\u00u01 caqueti buiorore bairo yoaro mee baigaro, y\u00e1 ca\u00e1w\u00e1 \u00e1ngel.

⁷ To bairo c\u00u01 ca\u00e1ro bero apeye wadariquere y\u00e1 caapiw\u00e1 tunu, Jesu majuuna c\u00u01 ca\u00e1rijere:

—¡Caroaro apiya m\u00e1jaa! Yoaro mee y\u00e1 at\u00edgu, ca\u00e1w\u00e1 Jesu. —To bairi wari\u00fanu anigar\u00e1ma ati p\u00f5uro ucarique macajere caroaro caapi\u00e1jar\u00e1 maca, ca\u00e1w\u00e1 Jesu.

8 To bairi yu Juan cawamecucu to bairijere yu caapiwu. Atiere mujaare yu caqueti buio uca joorijere yu caapiwu. Atiere yu catujuwu nipetirijere. To bairi ángel tupure rupopatuapu ejacumuri cu yu caíñ nucubugowu. **9** To bairo yu cátó cu maca:

—¡To bairo átiqueticðaña! yu caíñwu ángel. — Mure bairo cucu yu ã, Dio cu carotii yu ã. Mu yarure bairo quena, Dio ye quetire cabuiorure bairo quena yu ã. To bairona ati puuro queti buioriquere caapiujarure bairo yu ã yu quena. To bairi rupopatuapu yu ture mu ejacumuquupa. Dio jetore cu jeni nucubugoya, yu caíñwu ángel yure.

10 To bairo ñ, yu caíñwu tunu:

—Ati puuro mu cauca turiquere cayajioropu mu cuquupa. Camajare na mu iñogu. Camaja nipetiru ati puuro macajere na bue majiato ñi, na mu iñogu. Yoaro mee baigaro ati puuro caqueti buiorije, yu caíñwu ángel. **11** —Caroorije cánare yu cacuwu yu careparure mere. To bairi caroorije cáticða ãna to bairona na áticðato. Carooru aniri to bairona na anicðato na quena. To bairi caroaro cáticða ãna maca to bairona na áticða ãmaro. Caroaru cãna aniri to bairona caroaru na anicðato, yu caíñwu.

12 To bairi Jesu maca:

—Caroaro tugoooñaña. Yoaro mee yu atígu. Caroorije cáticða ãnare na yu popiyeyegu. Caroaro cáticða ãna macare caroare na yu joogu. Na cátaje cõoñari na ye wapa na yu joogu camaja nipetirure, yu caíñwu. **13** —Yua nipetirijere cátacu yu ã. Nipetirijere camajii yu ã. Nipetiru netoro catutuau yu ã. Cãni jugoricuna yu ã. To bairona yu anicða aninucugu to cãnacu rumu, yu caíñwu Jesu.

14 'Wariñuu anigarāma cabai bui cātiquēna. Na maca ocōo bairo yu jeninucuma: "Caroorije yu cátie ugueri coje rericarore bairo majirioya," Diore cu jeninucuma. To bairo cāre cajenirā aniri Dio cu canetooricarā anicōama. Jutii caugueri maniere bairo caroarā anicōama. To bairi ti macapu na yu jāa rotigu joperipare. Na jāa roti, ti yucu ricare nare cacaticōa aninucupere cajoorigere na yu uga rotigu yua. **15** Dio yarā jeto ti macapure jāa majigarāma. Aperāre na yu jāa rotiquetigu. Caroorije majuu cáticōa ãna jāa majiquetigarāma. To bairona cumu ãnajere cána quena jāa majiquetigarāma. Caroorije cátí eperā quena, aperāre cajilarā quena, Dio cāniquēna wericarāre cátí nacubugorā quena, nipetirā cañorijere seeto caboorā quena, to bairo cabairā nipetirā jāa majiquetigarāma Dio ya macapure.

16 Ocōo bairo yu caapiwu tunu:

—Yuna Jesu yu ã. David tirumupu macacu pārami yu ã. To bairi cabujuri ñocore bairo yu ã. To bairi yu tu macacu ángelre cu yu joowu mu tūpure. Juāre cu queti buioato ū, cu yu joowu. Yu yarā, yu yere caneñapo buerāre Juan cu caqueti buio netopere cu majiato ū, cu yu joowu ángel mu tūpure, yu cañwī Jesu.

17 To bairo cu cañro Espíritu Santo, "Aduja," cañwī. Jesucristo yarā "yu nāmo" cu cañri poa cāna mena, "Aduja," ñima. "Aduja," ñima camaja nipetirā Dio ye quetire caapiujarā. "Noa caboorāre na netoobojagumi Dio na capopiye tamuobopere. Wapa mano na netoobojagumi Dio cāre na cajeniata," ñima naa, Dio yarā.

18 To bairi yua Juan, cāni tujari wamere mujaare yu ī ati puuro macajere caapirāre: Caroaro cariape camajare na queti buio netoña mujaa ati puuro macajere. Jīca wameacā caroorije ajuyaquētona na queti buio netoña. To bairona yu caucarore bairona na buioya aperāre. To bairo cariape jeto na muja caqueti buio netoquēpata muja popiyeyegumi Dio. Riaye ati puuro macaje caqueti buiorore bairo muja joogumi Dio caroaro cariape muja caqueti buio netoquēpata. Seeto nucubugorique majuu mena mujaare yu ī yua Juan mujaare. **19** To bairi tunu ati puuro queti buiorique jīca wameacāre noa na cabooqueticōaata Dio maca na uga rotiquetigumi yucu ricare. Cu ya macapu yucu ricare cacaticōa anipere cajoorijere na uga rotiquetigumi Dio. Jīca wameacā na cayajioata cu ya macapure na jāa rotiquetigumi. Ati puuro caqueti buiorica macare, caroa macare Dio ya macapure na jāa rotiquetigumi Dio. Seeto nucubugorique mena yu ī mujaare.

20 To bairi ati puuro queti buioriquere caqueti buiou Jesu maca ocōo bairo īmi:

—To bairo yu caírore bairo yu atígu. Yoaro mee yu atígu, īmi Jesu.

Yu maca ocōo bairo cu yu ī:

—Mu caírore bairona to baiato. Yoaro mee aduja, cu yu ī yua yu Upau Jesure.

21 To cōona ā. Mani Upau Jesu caroaro mujaare cu átibojato nipetirā cāre caapiujarāre. To bairo to baiato. Amén.

To cōona yu Juan yu uca.

Dio Wadarique New Testament in Tatuyo

copyright © 2009 Wycliffe Bible Translators, Inc.

Language: Tatuyo

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tatuyo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
59c2c435-882f-50ed-ac19-c0c3ea5ab3c0